


# KOONGELEZYA

 Nda lumba, kapati. Katu ciimvwi kwa kaindi kaniini lino mbuli mbo tukotamika mitwe yesu ku mupailo. Elyo kuciindi notu kotamikide mitwe yesu, a myoyo yesu, ndalibuzya na mbandaye omuno bajisi nkumbizyo, inga ba cizibya kuli Leza mbuli mbo munyamuna maanza anu? Elyo mpawo lino jatilila buyo nkumbizyo yako mbuli mbo tukomba.

<sup>2</sup> Taata Wakujulu, tuli kkomene loko sunumasiku kuli ceeci, ciindi cimbi nco tukonzya kuboola kuli Nduwe, a kuba a kaanzambwene aka kakuti eco nco tu lomba tu lacityambula, ikuti na tuyo syoma kuti tula jana eco nco twa lomba. Elyo lino, Mwami, gwasya kutasyoma kwesu, kutegwa inga sunumasiku twa konzya kuba a zintu ezi nzo twa lomba. Maanza angu, a maanza abo, ali mujulu. Elyo twa komba, Taata, kuli Nduwe Oyo umvwiya zintu ezyo nzo tu bulide. Ko cipa, zyalo, kuli ndiswe, Mwami, sunumasiku. Twa kombela kuyumizigwa, kuti cindi notuli mu oora eli pati lya kufwaba omo motubede, i . . . a inyika mu ciimo moibede, tu yandikana lugwasyo Lwako lusalala maningi, Mwami. Elyo twa komba kuti Uyo tuyumyayumya kwiinda ku Ijwi Lyako, kutegwa tu zibe nzila mbuli mbo tweelede kulilemeke, kakutanaba buyo Kuboola kwa Mwami Jesu. Ko cipa, Taata. Twa cilomba mu Zina lya Jesu. Ameni.

Inga mwa kkala.

<sup>3</sup> Kkomene loko kujokela sunumasiku, a kukanana alubo kujatikizya Mwami wesu siluzyalo loko. Ncibotu kujokela omuno mu Kagwagwa kaTech alubo. Eci citandila mbuli kuboola ku muunzi; Ndali waano ziindi zinji loko. Elyo lino Ndabona baluba tutambala tunji ano oto twakabikkidwe atala ano kutegwa tukombelwe. Elyo lino, busiku bwainda, twa kacita ku, twa kajala miswaangano yesu ya kuponya yalyoonse, kubweza makkaadi esu a zintu, nkaambo ka kuba a miswaangano yobilo. Nywebo mwabona, cibaanga cibikka kuminwa kukubwene ali ndinywe, kuba a ii—ii kuswaangana kobilo. Elyo lino masimpe tuyo kombela tutambala otu sunumasiku, a kusyoma kuti Mwami uyo bamba umwi aumwi wanu, a lusyomo olo luyo tambula eco nco mwalomba mu nkumbizyo ezi.

<sup>4</sup> Tuyo impya Mukwesu Mel Johnson juunza, a kwiimba oko kubotu. Nda lumba ncobeni jwi eelyo bbotu Mwami ndya kamupa.

<sup>5</sup> Elyo lino, juunza, ikuti na mwaswaya okuno, Ndiyo amba ku bantu ba cikombelo, kuli . . . Ndi jisi beenzuma bamwi okuno bazwa kumusanza wa Jeffersonville. Ndi yeeya kuti ku mbungano ya Philadelphia, Mukwesu Mead, mukwesu wesu, Ndi

yeeya kuti bajisi kuswaangana okuya. Elyo Nse zyi naa nywebo, muli jisi kuswaangana? Kuli kuswaangana. Nywebo, ciindi nzi? [Ii mukwesu waamba, “Ileveni.”—Mul.] Ileveni okuloko, kuyooba kuswaangana okuya. Elyo Ndi yeeyela kuti Ndiyo joka kutandila wani theeti, na tuu, amwi. . . Thrii, Nde—Nde elede kunoliko aa thrii, thrii okuloko, elyo—elyo mpawo seveni alubo juunza mangolezya. Aboobo ncobeni tu yanda ku tamba cabulongwe nywebo nyoonse kuboola ku miswaangano, ikuti na tamu jisi kuswaangana mu mbungano yanu.

<sup>6</sup> Inga titwa yanda ncobeni ku kusomona kuzwa ku bulizi bwa mulimo wako wini, nkaambo obo tabuli bukanze bwesu. Nku sola kujata, kapati, abo batana futulwa. Abo bata jisi Muuya Uusalala, alimwi mula—mula syoma ncobeni kuti mula Uyanda, elyo mpawo tuli waano ku mugwasya. Mpawo baciswa a bapengede, baa, tuli waano ku bakombela, kuzwa ku mabungano oonse. Elyo kojokela ku mbungano yako, kufumbwa nko kazwida. Ikuti na watambula Muuya Uusalala, na kuponesegwa, kojokela a bumboni, kwaambila bamwi. Nekubakuti mbungano yako tai syomi muli ncico, koya nekuba. Mwabona? Oko, ncitete kulekela Mumuni wako kumweka awo ali—ali Mumuni munji, pele tu yanda Mumuni kumweka awo aatakwe Mumuni. Nce cindi noupa koongelezya kwawo kubotu maningi.

<sup>7</sup> Elyo. . . (Nda lumba, Mukwesu Vayle.) [Mukwesu Vayle wabamba maikrofooni, a kwaamba, “Kokkala mbuli *boobu*, twe elede ku cilangilila.”—Mul.] Mukwesu Vayle wali kuyeeya kuti tiiba li kukonzya kumvwa. Sa eco ncibotu? Ee, ncibotu, eco ncibotu.

<sup>8</sup> Lino, sunumasiku, kakutakwe muswaangano wa kuponesegwa, Ndi yeeya kuti, Nde elede kuzwa kufwambaana aniini sunumasiku. Nda—Nda kali kwaamba, busiku abumwi, “Ndiyo sola ku muleka kutandila naini theeti.” Elyo kutandila ku ciindi eco lino, elyo aboobo, naini okuloko, kutandila maminiti osanwe aa. Elyo mpawo ciindi Nda manizya, elyo mpawo kumujatilide cifumo cino kutandila maora obile, Ndiyo mwaambila, antela muyo katala a kukkomana cindi Nda zwa mu dolopo juunza masiku. Pele Nda lombozya ni Nda konzya buyo kulileta aansu lwangu kuli mbabo kwaambaula kwa maminiti aali makumi obile. Pele Nde elede buyo kuzumanana kukanana kusikila Nda katala, alimwi Ndi lizi mula katala ku ciindi eco. Aboobo mpawo Nse na manizya; Nda leka buyo a kunjila, kupumuna asyoonto.

<sup>9</sup> Lino, sunumasiku, Ndi yanda kuti muvunune mu Mabbaiibbele anu, kuli Isaya, Bbuku Iya Isaya, i—i cipati 6 ca Isaya. Elyo lino katutana kubala, inga twa lomba Leza kulongezya Ijwi Lyakwe a ku—ku Li bamba kuba kasimpe kuli ndiswe, mbuli mbo tukotamika mitwe yesu asyoonto buyo. Ee,

tuyo bala Ijwi lutaanzi, elyo mpawo amuswiilile kabotu lino mbuli mbo tubala.

*Mu mwaka ulya mwaami Uziya nakafwa Nda kali . . . Nda kabona akwalo Mwami kakkede aa cuuno cabwami, mujulu a kusumpulwa, a malongwe bwakwe bwakazuya tempele.*

*Alimwi atala lya ncico kwa kaimvwi serafimu: umwi aumwi waka jisi mababa ali cisambomwe; a obilo kavumbide busyu bwakwe, a obilo kavumbide matende akwe, a obilo ngakali kuulusya.*

*Alimwi umwi wakoopolola kuli umbi, a kuti, Uusalala, uusalala, uusalala, walo MWAMI Leza wa makamu: nyika yoonse izwide bulemu bwakwe.*

*A zikunguzyo zya mulyango zyaka zungaana ku jwi lyayooyo waka ongolola, nkabela ng'anda yaka zula busi.*

*Mpawo Nda kati, Maawe kuli ndime! nkambo Nda nyonyooka; nkaambo Ndili muntu wa milomo iitasalali, alimwi Ndi kkala akati ka bantu ba milomo iitasalali: nkambo meso angu abona Mwaami, MWAMI wa makamu.*

*Mpawo kwa kaulukka umwi waba serafimu kuli ndime, kajisi kkala liyaka mulilo mu janza lyakwe, elyo ndya kabwezedede a lumano kuzwa ku cipaililo:*

*Elyo wa kalibikka ku mulomo wangu, a kuti, Bona, eci ca guma milomo yako: elyo milandu yako yamana, a cibi cako ca salazigwa.*

*Akwalo Nda kamvwa jwi lya Mwami, kaliti, Nguni Ngweta tume, alimwi nguni uti twiinkile? Mpawo Nda kati, Mpaawa Mpendi; kondi tuma.*

<sup>10</sup> Atu kombe. Mwami Jesu, ta tu jisilidi bweelede kuzwidilizya cibalo eci caluzyalo maningi, sunumasiku, pele twa lomba lugwasyo Lwako lino, Mwami, nkambo taakwe bukanze bumbi pele kuti i—i Makanimabotu akonzye ku kambaukwa ciindi cimwi mu dolopo lya Chicago. Ko cipa, Mwami. Elyo akube kuti i—i koongelezya kube koongelezya kuteeli. Ko cipa. Twa cilomba mu Zina lya Jesu. Amen.

<sup>11</sup> Lino Ndi yanda kubweza cibalo kuzwa kuli ceeci, ca: *Koongelezya*. Nywebo mulizi, kuli cintucimwi cimbi nco tubede, swebo, eco nco tucita, tu laongelezya muntuumwi umbi kwiinda kuli ceeco nco tucita, nzila mbo tulilemeka, nzila mbo tukanana, nzila mbo tupona. Elyo zyoonse ezyo nzyo tucita, to ongelezya muntuumwi umbi.

<sup>12</sup> Elyo lino, nywebo mulizi, bantu banji taba kaunki ku mbungano. Ba lati . . . Ee, bali jisi muyeeyo ulubide wa mbungano. Ba yeeya kuti balo i—i banakazi kunselelo okuya balo—balu mbalozi, alimwi i—i baalumi balo—balu madaimona

aasamide zikobela zisiya, elyo baka jana buyo muzeezo uataluzi kujatikizya ncico. Pele Nda mwaambila eco ncoba cita, bayo langilila buumi bwanu kubona eco nco mucita. Nda syoma wakali Paulo oyo wakati, “Tuli magwalo aalembedwe aa Leza, abalwa a bantu boonse.” Cindi wanooli mu kagwagwa, alimwi cindi wanooli ku ncito yako, alimwi kufumbwa nkobede, muntuumwi ula kulangilila.

<sup>13</sup> Elyo kapati wamana kwaamba a kubamba kulyaambilila kwako kuti uli Munakristo, bayo mulangilila maningi muni loko mpawo, nkabela eco cipa koongelezya ku—ku bantu bali muni lyako. Elyo tweelede kulangilila eco nco tucita. Nkaambo, ikuti na twa leta koongelezya kulubide, mpawo tu leta sampu, kutali kunji loko aali lwesu, pele aali eco nco tu taminina kuba: Banakristo. Twa cileta aali Kristo. Elyo taakwe umwi, ikuti na twa yeeya, inga toyanda kuleta sampu aali Kristo. Pele mucito mubi, ku ciindi cilubide, uyo citya kutondezegwa kulubide ku muntu oyo uukulangilila. Elyo bantu boonse balangilila, cindi waamba kuba Munakristo.

<sup>14</sup> Lino cibalo eci nco tu kanana sunumasiku, ca koongelezya, cila jokela, ciiyo cini ca ncico, ikuti na muyanda ku—ku cibala, muyo cijana mu Makani Aabili, cipati 26. Bwa kali buumi bwa oyu Uziya, mwaami.

<sup>15</sup> Lino, Uziya mwaami wakali mulombe mweembeli. Wa kali mulombwana mukubusyi, oyo, mwana wa mwaami, alimwi oyo wakali kuya buyandana. Wa—wa kali kuyandisya i—i zisaka alimwi wa kali sikweembela. Elyo akwalo wa kali kuyanda myuunda ya misaansa, wa kali kuyanda kubona zintu kazikomona. Elyo oyu mulombwana mukubusyi waka komezegwa kubweendelezi bwa koongelezya kubotu ncobeni. Amaziya, bawisi, bakali bantu balemu, mu mazuba akwe akumamanino wa kalosya aniini, a kubweza tuleza tumwi kuzwa ku cisi cimbi, elyo Mwami mpawo waka mugwisya kuzwa mu nyika. Pele oyu mulombwana mukubusyi waka jisi koongelezya kubotu, nkaambo banyina bakali mwana musimbi wa Jerusalemu, bawisi musyomi, elyo aboobo i—i mulombe waka komezegwa a koongelezya kubotu.

<sup>16</sup> Eyo nje nzila mbotu ya kukomezya mwana, mu nzila nja elede kuunka. Elyo mulizi cintu na? Bana banu mbamwi ba meso mapati abo ba mulangilila. Bala langilila eco nco cita. Elyo kufumbwa nco cita, bala kukkopela, nkaambo uli mukubamba mukozyanyo kumbele lyabo, kuli ceeco nco cita.

<sup>17</sup> Cila ndiyeezya. Okuno kutali ciindi cilamfu cainda, Nda kali ku muswaangano wa Bantu Basimakwebo Bamakanimabotu Aazwide, okuya mu Los Angeles. Elyo Mukwesu Oral Roberts wakaamba kaambo kujatikizya cintucimwi mu mundando oyu, elyo baka ndilomba kwiimikila a kwaamba cintucimwi kujatikizya ncico, kujatikizya koongelezya. Nda kati:

18 Cila ndiyeezya kaano Nke kabala lomwe, oko ii—ii muntu nkwa kaunka, kusekelela Krismasi, kato lazipego moonse muli basimukobonyina, balongwe bakwe, basimukobo. Elyo ku ciindi aciindi, oko nkwa kaunka ku busena, wa—wa kanywa. Wa kali kunga waunka ku ng’anda itobela, elyo wakali kunga wanywa cakunywa. Elyo ku ciindi wa kajana zipo zyakwe zyoonse—zyakwe zya kapegwa, a zimwi nzya kali kuyobolola, mu lweendo kujokela wa kayeeya kuti inga uyo tola idabula kwiinda mu paaki. Elyo yakali wide kutandila mainci one na cisambomwe aa caanda. Elyo wa kalijana mwini, ta kakonzya kweenda cakutonkomana, wa kali kuya kudadalika nkaambo wa kali mukoongelezegwa a zyakunywa ezi.

19 Wa kabona, kaboola kulaale kusule lyakwe, kutali kukonzya kuzumanana a nguwe, wakali mulombe wakwe, muniini wa myaka ili ciloba yakukomena; nkabela wakali kubamba ntaamo zipati, akuya kuliwida, akudadalika. Aboobo wa kalindila mane mulombe muniini waka mujata, elyo wa kati, “Ino naambonzi nco yenda mbuli boobo, mwanamulombe?”

Wa kati, “Taata, Ndi sola kunjila mu ntaamo zyakoo.”

20 Lino mula bona kuti nkunji kwiinda buyo i—i mukozyanyo, nkaambo bwalo mbwini, kutegwa, bana bako, ubabambile busena bwabo.

21 Elyo ikuti na bantu besu bana America bali mukubikka cilao sunu, kumbele lya bana besu, zya kufweba misanga yatombwe, banakazi a baalumi, kabanywa, a makkaadi anjuka mu ng’anda, a—a mpako, ino musyobo nzi wa ii—wa bantu ngo tuyooaba awo mu mukowa utobela oyo weelede kuboola, na nzyalani itobela, mubwini, eyo yeelede kuboola? Iyooaba nkamu ya basondokede. Alimwi eyo Nje yeeya kuti nyika yoonse itandila kuba mu ciimo eco eno. Mpawo ikuti na mukowa oyu, na nzyalani eyi, mubwini, ili mbuli eyi, ino ncinzi imwi itobela nco iyoozyala? Mpawo ikuti na kwaba imbi, baa, mukowa onse wabantu, ikuti na wazumanana kweenda mu nzila mboubede, ciyo zimaana, kumaninina, nkaambo tuli mukuli jaya tobeni a kubamba mikozyanyo ya bamwi.

22 w Elyo abalo Banakristo sunu, abo bataminina kuba Banakristo, a kufweba a kunywa, a—a kucenga, a kujanja kuta syomeka. Kuciindi notu. . .Baa, ta cigambyi kuti Bunakristo buli kuli umwi wa bubbi bwabo bwaansi ku ciindi eci. Kwalo nkoongelezya oko bantu ba mbungano nkoba—nkoba kabikka aa bantu abo batana tambula Kristo. Bantu bayanda kukakatila ku bumboni bwabo elyo mpawo kupona nzila ili yoonse njo bayanda.

23 Pele ako nke kaambo Muuya Uusalala uli ii—ii kwaambisya *kweelede* mu buzuba buno, nkaambo Ngo Nguwe oyo uupona buumi bwako. To kaponi lwako. Ngu Kristo muli nduwe, mpawo, wamana kutambula Muuya Uusalala. Elyo, elyo ikuti na Ta

jisi bweendelezi mu buumi bwako, mpawo koyeeya buyo, tona tambula Muuya Uusalala. Nkaambo, ikuti na Uli muli nduwe, Uyo pona Buumi Bwakwe Mwini. To cili lwako omwini. “Uli fwide, a buumi bwako buli sisidwe muli Leza, kwiinda muli Kristo, a kwaandwa ku Muuya Uusalala.” Aboobo takukwe limbi nzila iliyoonse kuli nduwe yakulimvwa lwako, obo mbo okabede.

<sup>24</sup> Lino, oyu mulombe mukubusyi, tu jana kuti, walo, kajisi muzyali oyu mubotu, munaleza a kuyiisigwa, ci... Cindi bawisi niba kafwa, cindi nakali buyo myaka ili kkumi acisambomwe yakukomena, nkabela bantu bakabweza a kumubamba mwaami. Elyo wa kasika aa cuuno cabwami ca nguzu cindi nakali buyo myaka ili kkumi acisambomwe yakukomena. Elyo ikuti na muyo bala buumi bwakwe, ta kongelegegwa ku tunzenyu twa cisi cakwe. Ta—ta kabweza muzeezo wampuwo. “Wa kayandaula kutobela Leza,” Bbaibbele Iya kaamba.

<sup>25</sup> Lino, eco, nce ncico caka mubamba mukozyanyo mupati boobu ku musinsimi oyu mukubusyi, ku ciindi nciconya, Isaya. Isaya musinsimi wakapona mu mazuba akwa Uziya mwaami. Elyo bobilo babo mukuba bakubusyi antoomwe, musinsimi a mwaami, bakali balongwe balemu antoomwe. Elyo Isaya waka kkala ku palesi, alimwi wa kayaama ku kuboko kwa i—kwa mwaami. Elyo tu jana kuti oku kongelegeza kwa mulombwana mukubusyi kwa kongelegeza Isaya. Wa kaba sicamba kuli—kuli Isaya, nkaambo (mbwa kabede) ta kabamba kwiimpana mu bantu, ta kalekela cimwi ku muzwidilizya kuzwa ku lubazu lumwi kuya kuli lumbi. Wa kali kanzide kubelekela Leza, a kubelekela Leza alikke. Elyo oyo muntu mubotu kubweza mukozyanyo wa ncico. I. . .

<sup>26</sup> Elyo tujana kuti taakwe na akasola kulimvwanyamvwanya ku bahedeni basinyika naba omwe, inyika ya buhedeni; niba kamana kumubona kuyaka bwami bwakwe bupati loko, nkabela Leza wakali a nguwe a kumulongezya.

<sup>27</sup> Elyo Leza uyo leleka muntu uli oonse uyo kkala a Ijwi Lyakwe. Lino, nkokuti, Leza uli sinikizidwe kucita ceeco, kulongezya muntu uli oonse uyo kkala a Ijwi Iya Leza.

Lino tula bona kuti Isaya wakali kumuyanda ncobeni mwaami oyu.

<sup>28</sup> Elyo mpawo bwami bwa mwaami bwakamwaika. Ndi yeeyela kuti wakali kutandila kuli Solomoni, mu bwami bwakwe, nkaambo kongelegeza kwakwe kwa kasika lweendo loonse kumusanza mu Egepita.

<sup>29</sup> Lwakali lugwasyo lupati kuli Isaya, musinsimi mukubusyi, kubona kuti kufumbwa muntu oyo unga wabweza kwiima kwa Leza, a kutalanganya tunzenyu na kufumbwa cintu cimbi, inga uyo kkala cacululama ku Ijwi. Wa kali kongelegeza ncobeni ku

musinsimi, Isaya. Oyu mulombwana mukubusyi, obo Leza mbwa kamulongezya, nkaambo wa kakkala cakusyomeka ku Ijwi.

<sup>30</sup> Lino tu jana kuti mwaami oyu, oh, wakacita mbuli Banakristo banji loko ba sunu. Kufumbwa kuti wa kakkala kali mubombe, mpawo Leza waka mulongezya. Pele Bbaibbele lya kaamba awa, kuti, “Cindi na kasumpulwa.” Cindi na kabamba zintuzyonse kukwabililwa, mpawo wa kasumpulwa muli lwakwe mwini, elyo mpawo wa kali mu lweendo lwakwe lwakuzwa.

<sup>31</sup> Lino, obo mbo cibede, mbocibede sunu, a—a mabungano. Mbo cakabede lyoonse, kuti cindi bantu balimvwa kuti baba balijisilidi, ta beelede kukomba limbi, ta beelede kulindila Leza ku mulimo wabo.

<sup>32</sup> Ikuti na muyo jatila bwaambe obu, Nda zuminana a mulembi umwi, eco nce cakapa bunji bwa baalumi aba bakali mu lubukulusyo olu lwa buzuba bwamamanino, na lubukulusyo olu lwa buzuba bwamamanino, ku—ku kuuluka mu tubeela. Bamwi babo baka janwa kuti bakali kutamininwa kuba bakolwi mu cikambaukilo cabo, alimwi—alimwi bamwi babo baka lubizya. Nku kaambo kakuti ba—ba jisi koongelezya kuli boobo ku bantu kusikila bakatalika kulimvwa kuti bali jisilidi zyonse, kuti obo mbwami bwabo buniini, alimwi bala konzya, ba jata bantu mu myaakwe yabo kutegwa kabacita biyo cintu cilicoonse eco ncebayanda, nkabela bantu tabakonzyi ku ciziba. Pele Leza ulacibona, nywebo mwabona, oyo ngo Nguwe. Inga ndaamba . . . Mbuli Nebukadinezara, buzuba bumwi, wakeenda kumbele a kwaamba, “Amulange obo bwami bupati Mbwe kayaka,” elyo mpawo Angelo wa Mwami waka muuma.

<sup>33</sup> Elyo cindi mwaalumi na mwanakazi, takukwe makani na ngu bishopo na kkardinolo, na kufumbwa mbwanga waba, cindi watalika kulimvwa kuti uli sikuliyandila mwini, mpawo ncibotu watalika kulangilila a kupakamana. Nkaambo, Leza taka kuzumizyi kuunka mbuli boobo, nkaambo Ta kaabani bulemu Bwakwe a muntu uuli oonse. Peepe, munene. Leza ulabweza bulemu, alikke.

<sup>34</sup> Ziindizimwi Leza inga walongezya muntu a kumupa mulimo muniini oyo ndiza mubotu aniini kwiinda babunyina bakwe, na kutali kabotu, pele cintucimwi buyo ciindene aniini kuzwa kuli babunyina. Elyo cintu citaanzi mulizi, muntu ula sumpulwa, a kaango kakwe kakadukumene, alimwi, oh, ma, inga uyo cita, inga waku tapula kuzwida mukagwagwa. Elyo, kuti, eco nce ciindi Nce syoma kuti muntu wa katalika kuzwa ku mulyango, nkaambo Leza takonzyi kubelesya muntu mbuli oyo.

<sup>35</sup> Oyu mwaami, nekubakuti kali muntu munaleza mbuli mbwa kabede, wa kalimvwa kweelela. Wa kalimvwa mbuli kuti wa kali kukonzya kuli tukumuna lwakwe mu kulisumpula, kuti wa kali kukonzya buyo kweendelezya a kucita kufumbwa nca kali kuyanda, taakwe muntu umbi ngwa wa kubuzya.

Pele, amuyeeye, lyoonse tuli kungsi lya Leza. Leza ngu Leza wesu.

<sup>36</sup> Elyo tu jana kuti, wa kasumpulwa, alimwi wa—wa kasumpulwa loko mane wa kayeeya eco, nkaambo wa kali ‘lelekedwe kwa Leza,’ wa kali kukonzya ‘kubweza busena bwa mukutausi,’ aboobo wa kabweza kanunkilizyo a kunjila kubweza busena bwa mukutausi. Wa kazwa mu busena bwakwe bwa mulimo.

<sup>37</sup> Nce ncico Nce kaamba lyoonse kuli baaba Bantu Basimakwebo Bamakanimabotu Aazwide, “Muta soli kuba bakambausi.” I bakambausi bajisi ciindi ciyumu cikubwene caku tonkomeka cintu. Elyo mpawo tu cita mulimo mucete loko kuzwa kuli ncico elyo mpawo kapati amubweze simakwebo oyo utaitidwe akwalo ku mulimo pe nokuceya. Mwabona, cindi wacita ceeco, uya butanta kwiindilila minyinza yako.

<sup>38</sup> Elyo inga mwa bweza ciyo ca ceeci. Kuli bantu banji kumasena, akwalo nokuba mu cikambaukilo sunumasiku, kabakambauka, abo bata keelede kuba kokuya, nkaambo nkunji kwa tiketi lya cakulya, na kuba simpuwo akati ka bantu, na—na kuba ii—ii—ii aniini kwiinda umwi umbi nca jisi, na kuba akulumbaizigwa kusyoonto ku muntuumwi ku kuumauma kusule, na cintucimwi. Mwabona, ziindizimwi inga baba mupaizi.

<sup>39</sup> Jesu wakati, “Mula nyonyoona maanda aa bamukabafu, a kuyandisya zyuuno zyaatala, alimwi, ku kubonwa, kubamba mipailo milamfu.” Wa kati, “Muyo tambula lunyonyooko lunji olo kuli ncico.” Mwabona?

<sup>40</sup> Ta—ta tweelede, kutasola, kusika ku busena obo. Twe elede kuyeeya lyoonse kuti Leza uyanda kuti tube babombe. I nzila yaatala njaansi. Koli bombya lwako, nkabela wa sumpulwa. Elyo ikuti na walisumpula omwini, uyo letwa aansi.

<sup>41</sup> Lino tu jana kuti oyu mulombwana wakasola kubweza busena bwa mukutausi, obo mbwa takali kweelela.

<sup>42</sup> Nekubaboobo, Leza waka mulongezya, wa kali muntu mulemu. Wa kayumya bwami bwakwe kulwana masi oonse aa inyika. Ba kali kuleta bulemu a kwiipa kuli nguwe, a mbelele a ng’ombe. Elyo wa kajisi basikweembela, a basikubaba myuunda ya masaansa—masaansa a, oh, zintuzyonse. Wa kali kupona mu bupaale, mpawo wa katalika kuli tukumuna.

<sup>43</sup> Tu jana kuti noiba mbungano, mbungano ya mubusena inga yaba ibombede a kuba ii—ii busena buniini kubelekela Mwami a kululama kwa moyo; aku balekela buyo kujana muntuumwi mubotu muniini, muntuumwi kuba gwasya nkabela ba jana ii—ii mbungano mbotu, na bayo sola kucibamba kabotu aniini kwiinda imwi ansi ku kkona, elyo mpawo mbunga yazunguluka a camba cayo cakudukumana. Kutu, mwabona, twe—twe elede kuyeeya, eco nce cintu cilubide.



44 Leza wakaambila Israyeli, “Cindi nokali obo, Nda kakujana mu muunda, waka zwide malowa,” a ciimo moca kabede, “elyo mpawo cindi wa saninwa, a—a kubambwa kabotu loko, mpawo ci. . .” waa kafutatila Leza, a kuba- . . . kacita cibeela ca ii—ca sibwaamu, a kutamba bantubonse ku mubona. Elyo tula bona kuti Leza ta botelwi kuli ceeco pee.

45 Elyo akwalo oyu mwaami, mupati singuzu wa Israyeli awa, cindi na kasola kulibambila kubweza busena obo mbwa taka . . . taka salilwa. Elyo tu jana kuti i—i bapaizi awa, kazuzila mukati a kumwaambila, “Obo tabuli busena bwako. To elede kucita ceeco, nkambo Leza ujisi bantu bakasalazigwa kuli ceeci.”

46 Oh, ikuti na mulimo wakonzya biyo kusika ku busena obo, wakasalazigwa ku mulimo! Ikuti na bantu bakonzya kumvwisya kuti kukambauka Makanimabotu takuli kujana mamembala manji mu mbungano, pele nkusalazya ku i—i bukanze bwa ncito, kuti tweelede kuba a bavwanda bazyalwa bupya mu Bwami bwa Leza. Takukwe makani kabungwe nko baunka, na ino kujatikizya ncico, nku jana buyo abo bavwanda bazyalwa bupya.

47 Mpawo tu jana kuti sunu nciyumu kapati cindi twa bona mukutausi kabuka a muniini, musyobo umwi wa cikankamanisyo eco Leza nca kabikka mu mulimo wakwe. Tu jana kulikozyanisya kwakunyama kwa ceeco, abo bamwi bandeene bayo njila a kusola ku—ku kwaamba *eci*, bali jisi *eci*, na kucita cintucimwi candeene aniini.

48 Ndi lizi muntu mu inyika sunu, muntu mubotu, awalo, muntu mubotu, mukambausi wini wa Ijwi, elyo inga Nda—Nda amba i—i mukwesu wini, elyo Nda kaambaula kuli nguwe kutali ciindi cilamfu cainda. Elyo wa kazumanana kuba a kunyanyamukwa, alimwi wa kayaka mulimo wakwe cakumaninina aa kunyanyamukwa, lino bali muku bapatizya ku Buumi Butamani, “i bantu taba kafwi.” Nda yoowa kuti bali ku mutabi oyo ngo batakabi a nzila yaku jokela kuzwa kuli ceeco, mwabona, pele nkaambo eco cili lubide.

49 “Ii muntu wakazyalwa ku mwanakazi ngwa mazuba masyoonto, kazwide buusu, mapenzi.” Elyo baumi balizi kuti baleelede kufwa. Elyo tu lizi, “Ca kali salidwe ku muntu lomwe kufwa, elyo kumane ceeco lubeta.” Aboobo, tu lizi kuti tweelede kucita.

50 Ta ndiyandi kupona mu ng’anda eyi yakaindi eyo Nje kali kuponena mo. Ila jata malwazi oonse ala impauka. Ndiyanda umwi oyo watakabambwa amanza, wakacitwa aa Leza, ako—ako takali kasyango kakutintanya mbuli kaaka mbokabede. Ndi yanda umwi ubambidwe aa maanza aa Leza, ayo malwazi a nsiki a lufu zilaccija kuzwa kuli nguwo. Lino, kufumbwa cindi Na ndiita, Ndi—Ndili libambilide, ku luzyalo lwa Leza, kusyoma ceeco, “Cindi eci cilao canyika camwaika, tuli jisi kale comwe

cilindila,” omo motwiinka kunjila, eco citakonzyi kufwa limbi kuzwa kuli ncico.

<sup>51</sup> Mbobuti mbo yanda kupona muli ceeci? Kutali ndime. Ma cili. . . Tula zwa kuli ncico, alimwi Ndili kkomene kuli ncico. Elyo obu buntu bwakaindi, germ trap omo motuponena, kooze ka lufu bamwi anzi cimbi, nku tongela a macise muli mbubo, a kucembaala kwa musela, elyo baa, ma, nguni unga wayanda kukkala mu mubili mbuli oyo? Mebo, Ndili kkomene kuti kuli umwi uboola. Tu jisi mubili oyo—oyo uli mukubambilwa ndiswe, mu Bulemu. Elyo mbuli kufwambaana mbuli buumi mbobusiya bwaanda obu bwakaindi awa, ulya Muuya Uutamani wa Leza oyo upona mukati, utola lweendo lwawo kunjila muli ceeco cikombelo kutalaliya nkabela oko uyoopona Kutamani. Nkaambonzi nco tu yanda cintucimwi mbuli ceeci? Ma! Iiyi, munene. Oh, Ndili—Ndili kkomene kapati kuti, nkaambo kuli Leza Oyo wakabamba zintu ezi zyoonse antangalala.

<sup>52</sup> Elyo tula langa awa, tula bona kuti nzimvule buyo, nekuba. Tuli cimvule. Nda langa awa aa cibumbili, kubona baalumi abo beenda, nkabela Nda langa mu kagwagwa a kubona baalumi a banakazi abo beenda. Bali jisi buumi, pele nekubaboobo ta cikonzzyi kuba Buumi bwini, nkaambo ndufu muli mbubo. Elyo—elyo Davida wakati, “Njo enda mu kkuti lya cimvule ca lufu.” Lino, citola mumuni munji loko kupanga cimvule. Kweelede kuba mumuni munji loko. Ikuti na mudima cakumaninina, tau konzzyi kubamba cimvule. Mwabona? We elede kuba mumuni munji loko, mu mudima, ku ubamba cimvule. Ee, lino citola ali ceeco cimwi ca mabazu aayo oko nko yaaminide ko.

<sup>53</sup> Ikuti na Nda bona mwaalumi keenda, mwaalumi mukubusyi uboneka kabotu, mu myaka misyoonto, langilila masusuakwe kaasanduka kutuba akuya bukulauka kuzwa, makkuko aakwe kaadiimana kuyaansi. Ii musimbi mukubusyi mubotu kaimvwi, a busyu bwa busalali, bwabuleza ali nguwe, a kwiima a kulumbaizya Leza, elyo Nda kujoka mu myaka misyoonto a kumujana makuko adiimene, kabwezedede bana bobile na botatwe. Ee, ma, awo, citondezya kuti mu mubili oyo kuli lufu. Takukwe makani obo mbo cili cibotu a nzila mbo ciboneka kabotu, cicijisi lufu muli ncico.

<sup>54</sup> Lino Nda langilila njiili munzila eyo muuya mukati muya nkuuyaminide. Ikuti na lyoonse wiiminina Mumuni, kwaambaula zya Mumuni, kwaambaula zya Mumuni, uyo unka a Mumuni. Pele ikuti na lyoonse cili ku lubazu lumbi, lwa inyika, zintu zya inyika, kongelegezwa ku inyika, takukwe cintu pele iku sanduka kunjila mudima cindi wafwa, mukati ka mudima waanze. Aboobo nywebo mwabona, obo mbo tubede, twe elede kuyeeya kuti tuli buyo obo mbo tubede ku luzyalo lwa Leza, alimwi taakwe umwi wesu ukonzya kulikankaizya kujatikizya ncico. Tu konzzya buyo kukotama mu kulemekka a bubombe,

kumbele lya Leza, a kupa kulumbaizya kuli Nguwe ku bubotu Bwakwe.

<sup>55</sup> Elyo tu jana kuti kufumbwa buyo mwaami oyu mbwakalimvwa munzila eyo, Leza waka mulongezya. Pele cindi na kasika ku busena oko nkwa takali kuyanda kukkalilila mu kwiitwa kwakwe mwini, wa kali kuyanda kubweza kwiitwa kwa cintucimwi cimbi. Elyo wa kayeeya, nkaambo kakuti Leza waka mulongezya, kuti eco cakali kabotu, wa kali kukonzya kucita ceeco.

<sup>56</sup> Pele obo mbo tu lubizya cakuusa! Obo, mbo cili cibyaabi! Yebo, weelede kusyomeka ncobeni. Ta mweelede, ta mweelede kucita cintu citakuti Leza waku lailila kuli ncico, a kucitondezya, a ku cisimpikizya, alimwi mulizi kuti ngu Leza waka cicita.

<sup>57</sup> Kanji, muntu wa Leza, Leza weelede kumweendelezya a kujata muntu wini wa Leza. Tabali balombwana abo bayanda cintucimwi coonse cakucita kunji koonse, inga nciyumu kuziba eco ncoba kalino cita ancico ikuti na baka citambula. Mwabona? Pele Leza kanji weelede kujata muntu Wakwe, mbuli Musa, a Paulo, a mbuli boobo, ku mutobezya ansi, kuti ajane bulemu kuzwa mu buumi bwakwe, a ku mulekela kuba mwaange ku Muuya Uusalala.

<sup>58</sup> Lino tula bona eco, mwaami oyu, a cintu cimbi nco twiinya awa ali Uziya, kuti, cindi na kaitwa ansi ku muntu oyo waka jisi nguzu zya kutola kanunkilizyo mukati, muntu wakasalazigwa ku mulimo, cindi na aka kamwiita kuseluka, waka mu nyemena.

<sup>59</sup> Oh, ino ii—ino ncintu citukidwe mbo ciyooba! Cindi muntu asola kutondeka ku mulombwana kuti “Uli mu bulubizya,” a kucitondezya kuli nguwe kwiinda ku Ijwi lya Leza, “Uli mu bulubizi,” elyo mpawo, nkaambo kakuti muntu uli mvwa muli lwakwe uyo cita eco nca yanda, nkabela taka toli aansu ku Ijwi, mpawo ula nyema.

<sup>60</sup> Mwa bona sena eco cakacitika ku mwaami? Cinsenda cakapasuka ku busyu bwakwe kuciindi nakacili mu bukali bwakwe. Cinsenda cakauma Uziya mu busyu, elyo bapaizi a baabo baka ciziba, aku mu tandila anze lya tempele, nkabela wa kafwa, kali sicinsenda. Obo buumi bupati bwakatalika kabotu loko, bwakagolela kuba sicinsenda, a kutandwa, alimwi wakacita kupona mu ng’anda ya kwandaana kuli lwakwe, mazuba oonse aa buumi bwakwe, muntu oyo ibuumi obo Leza mbwa akaongelezezye lweendolumwi.

<sup>61</sup> Inga ndaamba ceeci, kulemeka. Tuli jisi baalumi sunu mu masena akubelekela, baalumi bakubusyi, a baalumi bakakomena akatikati, a bamadaala, abo baka talisya kuzuzaana kubotu, a kusolekwa, a kubamba kutondezya kubotu kuli Leza. Pele tula bajana, sunu, kutala, bacakolwa, a kupasauka, kuya muli bambi, kuzwa kuli ndiswe. Bamwi babo

bakawa, kumaninina. Bamwi babo basondoka ku mali, nkabela bamwi basondoka kuyanda banakazi akukwata banakazi bambi batakali bamakaintu babo. Elyo—elyo zintu zyoonse a mause ayo aaka letwa, tubungwe toonse. Swebo, umwi takonzyi kwiita umwi umbi kuti mubi, nkaambo toonse tu jisi mulandu, coonse, na kabungwe koonse. Twa kajana bantu mbuli boobo, abo bakoongelezegwa ciindi cimwi kuli Leza nkabela bakajisi koongelezwa kupati ku bantu. Alimwi cindi niba kalimvwa kuba balijisilizi muli zyonse. . .

<sup>62</sup> Cindi muntu ajana busena awo mpa konzya koongelezwa kuli Leza, weelede kulibombya mwini, ciindi coonse, cakuzumanana.

<sup>63</sup> Elyo tu jana kuti, oyu mwaami wakafwa mu sampu, sicinsenda. Mpawo, wa kali ciiyo ku musinsimi mukubusyi, kutali kubikka bulangizi bwakwe aa muntu uli onse, pele kulanga kuli Leza alikke. Cindi na katalika kulanga ku muntu ku mukozyanyo, oyu muntu waka kakilwa, nekubaboobo kali muntu uli kabotu.

<sup>64</sup> Aboobo nciyo kuli ndiswe, sunumasiku, ku bikka mizeezo yesu ali Leza, kakutakwe kulanganya obo muntu mbwabede. Abe kardinolo, mupaizi, musinsimi, kufumbwa mbwa konzya kuba, ta sitidwe kuzwa ku kulubizya a—a bulubizi, alimwi alwalo lufu, a cibi. Pele kuli Umwi Oyo uuliko, nkabela oyo ngu Jesu Kristo; Ngo Nguwe.

Kuli ceeci, Isaya wakaiya ciiyo, Leza ulalailila muntu Wakwe ku busena.

<sup>65</sup> Ii muntu ta jisi nguzu zya kunyamuka a kwaamba, “Ee, inga Nda bamba kupona cabuteteete ikuti na Ndali mukutausi. Nda syoma Ndiyo langalanga mulimo. Nda syoma Ndiyo cita *eci*, *eco*, na *cimbi*. Nda syoma ikuti na Nda konzya kulikozyanisya ku cipego eci eco Leza nca kapa, inga caba. . . Inga ndaba a miswaangano yanguzu, azimwi zimbi.” Tula bona kunji loko kwa ceeco sunu.

<sup>66</sup> Pele cindi mwajana, Isaya wakajana ciiyo awa, kuti Leza ulabikka muntu Wakwe, Mwini. Leza nguu bikka, alimwi Ta kapanga muntu oyu kuba mupaizi. Wa kamubambila mwaami, alimwi we elede ku kkalilila kuba mwaami. Ta elede—ta soli. . . Isaya wakaiya awa kuti toelede kusola kubweza busena bwa muntu umbi.

<sup>67</sup> Mpawo cindi na kabona kuti sicamba wakwe mupati waka boola ku sampu eli a kuunka kunselelo a kufwa, Isaya wakalimvwa mpawo kutandila bulangizi boonse kuli nguwe bwakali manide, aboobo wa kaselemukila ku tempele buzuba bumwi kuyo cibandika kumanizya a Mwami, nkabela mpe mpawo cilengaano mpo cakacitika. Ku tempele, wa kabona Oyo ngwa keelede kulanga ciindi coonse. Mu tempele, wa, kabona, mu cilengaano, Leza kakkede aatala aa cuuno cabwami, kasumpwidwe atala mu Majulu, nkabela malongwe Akwe akali

a Nguwe. Eci cilengaano nca kabona, atala, kasumpwidwe, cuuno Cakwe cabwami, atala lya bulelo boonse bwanyika. Leza, oyo ngo Nguwe ngwa keelede kulanga, cindi na kali mu cilengaano.

<sup>68</sup> Elyo mpawo tula bona eci, kuti ba Serafimu Bakujulu bakali kuuluka koonse akoonse, mu tempele. Lino, ba Serafimu, mubwini bbala lyaci Hebrayo kuli *Basikuumpa*. Ba kali Mbabo Aabo baka tuula tununkilizyo a cituuzyo. Alo matobelanwa buyo aatala maningi aa Baangelo, ayo—ayo abamba nzila ya sizibi, kufumbwa kuti kakuli cituuzyo. Elyo aba ba Serafimu, kanji, Basikuumpa aba baka jisi mulimo musalesale, Ba kakkala moonya mu Busyu bwa Leza. Bali kozyenye mbuli ba Kerabimu, alimwi Ba kali moonya mu Busyu bwa Leza.

<sup>69</sup> Elyo cindi oyu musinsimi nakamvwa Muuya wa Leza ali nguwe, nkabela Wa kajula meso akwe, nywebo mwabona, wa kazyalilwa loko ku bukanze *obo*, kuti cindi Na kajula meso akwe cakali mbuli kuloka kuzwa awa mu nyika mbuli mbwa kali kulota. Elyo wa kabona cuuno cabwami ica Leza kaci sumpwidwe aatala *loko*, elyo mpawo wa kalanga mu tempele, elyo ba Serafimu aba bakali kweendeenda koonse akoonse, kwiinda mu tempele, koongolola, “Uusalala, uusalala, uusalala, ngu Mwami Leza! Uusalala, uusalala, uusalala, Mwami Leza!”

<sup>70</sup> Ino nkucinca, a koongelezya oku kwa keelede kuti kwakali ku musinsimi oyu mukubusyi! Cindi na kabona kukakilwa kwa muntu, elyo nekubakuti bantu babotu bayo kakilwa, pele lino ula bona Leza, alimwi wa kabona ba Serafimu aba.

<sup>71</sup> Elyo amubone civumbyo cisalesale eco ba Serafimu aba ncoba kajisi. Ba kavumbidwe a mababa obile ku busyu Bwabo, mababa obile kaavumbide ku matende Abo, nkabela Ba kali kuuluka kubelesya mababa obile. Leza ulasalala kumaninina. Amu ciyeeye, nobaba Baangelo beelede kuvumba busyu Bwabo busalala, ku kwiima mu Busyu bwa Leza.

<sup>72</sup> Nda libuzya, mukwesu wangu, Nda libuzya, mucizi wangu, ikuti na tuyo langa ali ceeco! Kakuli, Baangelo basalala beelede kuvumba busyu Bwabo, ku kwiima mu Busyu bwa Leza, mu lulemeko a mu bulemu. Pele sunu tu jana bantu abo baliita kuti Mbanakristo, akwalo, taa jisi bulemu pe kuli Leza, na Ijwi Lyakwe, na bantu Bakwe, na mulimo Wakwe, na cintu. Ino nkookuli nko bayoosika mu bubuke? I Bbaibbele lyakati, “Ikuti na balulami bayo futulwa, nkokuli sizibi a mubi nkwayo sola kulibonya?”

<sup>73</sup> Elyo cindi, ba Serafimu, matobelanwa atala maningi aa Baangelo, nkoonya munsu lya Cuuno ca Luse, Basikuumpa zituuzyo, bakacita kuvumba masyu Abo aasalala, kwiima mu Busyu Bwakwe, elyo mpaawa Ba kaliwo. Leza kakkede atala alya aa cuuno Cakwe cabwami, nkabela aba Kerabimu kaba jokela akonse, kabakwiila, isikati a masiku, “Uusalala, uusalala,

uusalala, walo Mwami Leza!” Sena mulizi eco Nce pandulula? Amubone. Balo, mababa obile, Ba kavumba masyu Abo. Elyo nkaambonzi?

<sup>74</sup> Tula bona sunu, kuti, nkaambo bantu abo bali. . . . taba jisi lulemeko. Bayo boola ku mbungano, bantu bayo boola ku mbungano, a—a kutenda, a kuseka, kwaambaula, kufubaazy, kukkala awo Makanimabotu mpaali muku kambaukwa, kwiina lulemeko pee. Elyo kumuswaana mu kagwagwa, alimwi a. . . . Tamu langili bulemu bumwi kuzwa ku bantu; ta tweelede kucita ceeco. Pele nekubaboobo ci—ci tondezya bulemu bwa Bunakristo nokuceya ku lulemeko lwa bantu, kwaamba, “Wabuka kabotu, mukwesu,” na kufumbwa mbo yanda. Bamwi babo bakoongolola, “Wabonwa, Kambauka!” Oh, eco cili zizilwe loko.

<sup>75</sup> Amuyeeye, Jesu wakati, “Mbuli mbo mucita kuli baaba, mwa citila Ndime. Oyo uu Ndi tambula, ula Mu tambula oyo waka Ndi tuma. Alimwi oyo uu Mu tambula oyo ngo Nda katuma, ula Mu tambula. Mwabona, mbuli mbo mucita kuli mbabo, mwa kacitila Ndime.”

<sup>76</sup> Elyo kunyansya, nywebo mulizi mbo cibede? Cili i. . . . Taba tweluki ku Busyu bwa Leza. Nyika iya kuba—kuba yakuzibilana loko, a bukombi butakweankobuya, alimwi iyabuya ansi muciiimo, mane kusikila takucikwe limbi bulemu, mbubonya buyo mbo cakabede lyoonse.

<sup>77</sup> Amulange basilumamba. Inga twa yeeya, sunumasiku, ino nkuseba a cintu ciyoosya mbo cakabede kuli basilumamba abo ku bikka i—i kasila ku busyu bwa Mwami wesu Jesu, ku Mu fubaazy kuba Musinsimi a kukonzya kuziba maseseke aa moyo. Ba kabikka i—i kasila ku busyu Bwakwe, aku Mu bikka alya mu busena bwa nkuta, a kubweza kasamu a ku Mu uma ku mutwe kubelesya nkako, elyo mpawo waka ciinzya umwi kuli umbi, a kuti, “Ikuti na Uli musinsimi, kosinsima lino, ko twaambila umwi wesu wa Ku uma.” Mwabona, kwiina bulemu pe. Tii bakali kukonzya kumvwa bubotu.

<sup>78</sup> Pele mwanakazi oyo muniini, a lusyomo lukubwene lwa kukonzya kuguma cikobela Cakwe, waa kajana kuyanda kwakwe. Nywebo mwabona, tweelede kuba, twe elede kutweluka Busyu bwa Leza.

<sup>79</sup> Aya magano maniini osanwe ngo tuponamo, eyo ni inyika buyo niini yesu ini. Mwabona? Pele Leza. . . . Nkokuti, twa kapegwa buyo aya kutegwa tu konzye kukwabana a muunzi wesu waansi. Pele kuli magano kwiindilila ceeco, kweelekwa kumbi.

<sup>80</sup> Elyo Leza lyoonse nkwali. Ikuti na twa konzya buyo kuyeeya ceeco. “I Baangelo ba Mwami bali bazungulikide abo ba Mu yoowa.” Mu buyake obu, sunumasiku, kwiimvwi Jesu Kristo. Mu buyake obu sunumasiku makamu aa Baangelo, zyuulu zya

Mbabo babungana koonse. Tamu Ba boni, pele inga mwamvwa koongelezya Kwabo, ku mwaambila kuti Nkobali. Ikuti na eco tacili boobo, nkokuti Lugwalo taluli boobo. Elyo ikuti na Lugwalo talu luleme, nkokuti Leza ta luleme. I Bbaibbele lya kaamba, kuti, “I Baangelo ba Leza bali zyungulikide,” Ta bazwi, “Ba kkala muni lya baabo ba Mu yoowa.”

<sup>81</sup> Jesu wakati, “Okobobilo na botatwe nkoba bungene mu Zina Lyangu, Njo oba akati kabo.” Mpawo eco ci Mu bamba mu nyika njo tuta konzyi kubona, kuti magano esu osanwe ta kwabani. Jesu Kristo mpali ano, uliko. Ikuti na twa konzya kuziba ceeco!

<sup>82</sup> Elyo, amuyeeye, kutali buyo okuno, pele cindi wano enda kuselemuka kagwagwa, kufumbwa nkobede, nywebo nomu taminina kuba basyomi a kuyoowa Mwami, amuyeeye, Baangelo ba Leza beenda a ndinywe kufumbwa nko mubede. Bala langilila zintuzyonse nzo mucita, miyeeyo yoonse eyo yiinda mu mizeezo yanu, alimwi Ba lizyi koonse kujatikizya ndinywe. Nkikaako, tweelede kuziba ceeco.

<sup>83</sup> I kuti na tatuci cenjeleli, mpawo inga wacita nzila iliyoonse. Aboobo bantu kanji, sunu, bantu banji loko, taba tweluki Busyu bwa Mwami Jesu, ako nkekaambo (balo) tu jisi zintu ezi nzo tujisi lino, ezyo zitali kabotu.

<sup>84</sup> Ikuti na twa konzya buyo kucita mbuli Davida mbwa kaamba, “Nda bikka Mwami lyoonse kumbele lyangu.” Oh, Nda ciyanda eco. “I Mwami lyoonse uli kumbele lyangu. Oko Nkwa unka, Ndiyo tobelo. Elyo Ndi lizi kuti koonse Nkwe unka,” majwi amwi, Davida wakati, “kuti Mwami uya kweenda kumbele lyangu.”

<sup>85</sup> “Nse kamusiyi nanka kumu lekelezya,” wakaamba Jesu. “Amubone, Ndili a nywebo lyoonse, akwalo ku mamanino aa nyika.” Ta konzyi kutusiya. Ta kasyomezya kucita.

<sup>86</sup> Obo mbo bukanze mbubonya bwa miswaangano eyi. Obo mbo bukanze, bakwesu bangu, bwa kuba a mulimo wangu kuzwa ku tubungwe, nkusola kulekela bantu kubona kuti Jesu Kristo ucipona, alimwi Uli waano, ku musyomi oonse, ku kabungwe koonse ako kayo Mu syoma . . . na bantu mu tubungwe oto. “I Mwami uli kumbele lyangu,” Davida wakati, “elyo Nse ka sunzigwi.”

<sup>87</sup> Amubone lino, a mababa obile Ba kajisi ku busyu Bwabo, kwiima mu Busyu bwa Leza, nkambo nkonkuko oko nko Baka kutaukila.

<sup>88</sup> Elyo ikuti na Ba kacita kuvumba masyu Abo aasalala, ku kutauka kuli Leza, ino musyobo nzi wa muntu ngo weelede kuba mukambausi? Obo mbo tweelede kuvumba busyu bwesu, mu mause! Obo mbo tweelede kupona! Leza ulasalala kumaninina. Twe elede kuziba, ciindi coonse, amuyeeye eco. Aanze lya luzyalo

lwa Leza, tuli basizibi bacinswe, pele Bulowa bwa Jesu Kristo bula tusalazya kuzwa ku cibi.

<sup>89</sup> Lino Ba kajisi mababa obile ku matende Abo. Eco ciiminina bubombe.

<sup>90</sup> Mbuli Musa, Musa takali maningi mu bubombe kusikila na kaswaana Leza mu citeo eco ciyaka mulilo. Pele cindi na kabona ncobeni kuti wakali Leza, alimwi nkaambo oyu Mumuni wakaamba ijwi lya cisyomezyo (Sena mwa cimvwa?), ba kalizi alimwi Musa wakalizi kuti ciindi cakali afwaafwi ku lwaanguluko olu. Elyo mpaawa kwaboola Cilenge ciindakugambya kunselelo, a kuloolola, a kwaamba, “Nda ciyeeya cisyomezyo Cangu kuli Abrahamu, Izaka, a Jakobo.” Elyo Musa waka samununa mabbusu akwe, bubombe, ntalisyo yakwe yoonse. Wa kasamununa mabbusu akwe.

<sup>91</sup> Paulo, cindi na kabona oyo nguwenya Angelo wa Mumuni atala lyakwe, a ku ciita kuti “Mwami,” wa kawida mu suko lya nyika. Wa kaziba. I bubombe, “Nse cili obo!”

<sup>92</sup> Ta cigambyi Isaya wakakonzya kulila, “Maawe kuli ndime, nkambo Nda kabona Mwami Leza wa makamu.” Nekubaboobo, mukuba musinsimi!

<sup>93</sup> Elyo nekubaboobo, Paulo, mukuba muntu mulemu, sicikolo mupati, pele cindi na kanjila mu Busyu bwa Leza, wa kalibombya mwini.

<sup>94</sup> Elyo cindi Musa nakasika mu Busyu bwa Leza, wa kalibombya mwini. Wa kali musinsimi. Wa kalemeke Leza, Ijwi.

<sup>95</sup> Amubone, Johane Mubapatizi, cindi Johane nakaima aa nkomwe kumane kubapatizya bantu a kulanga a kubona oyo Mumuni nguonya kuuseluka kuzwa ku Julu, wa kalila, “Amubone Kabelele wa Leza uugwisya cibi ca nyika!” Elyo cindi na kalibombya mwini, alimwi, Jesu wakeenda mu maanzi kwinda kuli nguwe.

<sup>96</sup> Lino ngooyu mubuzyo ngwe ndaka buzigwa buzuba bumwi. Inga waboola mu mizeezo yako. Cindi Jesu na keenda mu maanzi, nkabela Johane wakati, “Ndi yandikana kubbizigwa kuli Nduwe, elyo nkaambonzi Nco boola kuli ndime?”

<sup>97</sup> Lino, mukwesu wangu mudaala muna Baptisti, oyo Mwiiyi Roy Davis, wakali kundaambila. Wa kabikika maanza akwe ali ndime cindi na kandi sala mu mbungano ya Missionari Baptisti. Wa kati, “Billy, ncenzi cakacitika. . .” Nda kamubuzya kujatikizya ceeco. Wa kati, “Nceeci cakacitika. Nywebo mwabona, Johane takalina bapatizigwa, mwini, aboobo Jesu waka bapatizya Johane. Elyo mpawo Johane wakanyona a kubweeda, kabapatizya Jesu, nkaambo Jesu taka konzya kubapatizya Johane Katana bbizigwa.” Ee, Nda kayeeya kuti eco cakamvwika kabotu.



98 Pele buzuba bumwi, kutandila myaka yobile yainda, kubusena mu zisaka oko nko Nda kakkede, i Muuya Uusalala wakaseluka, Mumuni, elyo mpawo Nda kabona mbo cakabede, cindi Na kaciyubununa.

99 Lino nceeci mbo cibede. Mwabona, kwakali bantu bobilo bayandisi maningi aa nyika: kwakali Johane musinsimi; kwakali Jesu Mesiya. Elyo balo, bobilo, ba bantu baka jisi Mulumbe wa buzuba, kaswaana busyu ku busyu mu maanzi, cindi meso abo nakajatana. Elyo Johane, mu bubombe, kati, “Ndi yandikana kubbizigwa kuli Nduwe, elyo nkaambonzi Nco boola kuli ndime?”

100 Jesu wakati, “Cileke eco kuba boobo.” Mbo mbubo. “Pele obu cileelede kuli ndiswe, na cileelede kuli ndiswe. . .” *Kweelela* caamba “kuba.” “Cili mukuba kuli ndiswe kuti tu zulizye bululami boonse.” Nkaambonzi? Jesu mukuba Leza; Johane mukuba musinsimi. Cakufwambaana Jesu wakalizi cindi Na kaamba boobo, Johane mukuba musinsimi kuli oyo Ijwi nkolya kaboola, kalizi kuti uyo cimvwisya. Nkaambo, cituuzyo, kweendelana ku mulao, cakelede kusanzigwa kacitana tuulwa. Elyo Jesu wakacita kubbizigwa kale. Wa kati, “Kocilekela kuba boobo lino. Mbo mbubo. Nkambo obu cileelede kuli ndiswe, kuba kuli ndiswe, ku kuzulizya bululami boonse.”

101 Oh, ikuti na twa konzya kubweza ceeco ku cibalo kwa maminiti masyoonto! Eco nco tubona sunu, mbuli—mbuli basyomi mu Mumuni mu oora ndyo tuponamo, cili mukuba kuli ndiswe kuti tu zulizye bululami boonse. Ci leelede ku mbungano ya pentekoste, kuti tu zulizye bululami boonse, mukubona kuti twa kaitwa a Muuya Uusalala. Nku kutaba kuti sweba tulalyandaanya lwesu kuzwa kubakwesu bamwi. Nku kutaba kuti tu lalibunga lwesu alimwi takabi a cintu cimbi kacucita a mukwesu wesu oyo waka tambula Muuya Uusalala mbubonya mbuli mbo twa kacita. [Kabeela katakwe cintu aa teepu—Mul.] Ta ceelede kuli ndiswe. Cindi twa bona Leza keenda a kucita, a kucita mbubonya eco Nca kaamba, elyo nkaambo muntu taswaangene a kabunga kesu, kuti ta tulilemeki lwesu, eco taci libonyi. Ta cili kabotu pe.

102 Twe elede kuba Banakristo. Twe elede kuba balombwana. Twe elede kuba bantu bayoowa Leza a bantu. Twe elede kulibambila kusika a kupa kufumbwa muntu kusukana maanza, a kutandabika ngubo ku lubazu lwakwe lwa bulo, awalo. Iiyi, nkambo obu citubamba kuzulizya bululami boonse. Lino tu lizi i. . .

103 Ako kakali kaambo kakuti Wa kali Cituuzyo. Elyo Johane wakali cizi, nkaambo wa kabona Mumuni oyo ali Nguwe. Elyo Johane wakalibombya mwini, mukuba muntu mupati maningi kusikila ku oora eelyo. Pele cindi na kabona oyu Mwami Jesu

mupati kaboola, wa kati, “Ndi yandikana kubbizigwa kuli Nduwe.”

<sup>104</sup> Pele cindi Na akamwa ambila, “Ciya buba kuti tu zuzikizya bululami boonse.”

<sup>105</sup> Mpawo Johane wakanyona, mukuziba, mbuli mulanda wa Leza, mbuli musinsimi, we elede kuzulizya Ijwi lya oora eelyo, nkaambo wa kalizi kuti Eco cakali Cituuzyo. Wa kaamba buyo boobo, “Ngooyo waboola Kabelele wa Leza, Kabelele wacituuzyo uyo gwisya zibi zya inyika.” Elyo Kabelele kaka citwa kusanzigwa mu cisanzizyo kakatana kutuulwa ku mupaizi. Amenii.

<sup>106</sup> Cili mukuba kuli ndiswe kuti tu zulizye bululami boonse, cindi wasama Zina lya Jesu Kristo. Alekwe mwaalumi a mwanakazi oonse, oyo ubweza Zina lya Jesu, azwe ku cibi.

<sup>107</sup> Kulyaambilila kwesu sunu kwatalika kusika mbuli ii—ii Nse zyi cintu, kalabi kamwi na cintucimwi. Tula selemuka a kukomba mupailo kutandila maminiti obilo kulampa, a kujokela kutala; kucita cintucimwi cilubide, kwaamba, “O Mwami, Yebo ulizi kuti Nse kali kuyanda kucita ceeco, pele, aeluya, Ndili kabotu,” kuyabuya. Peepe, eco tacili ncico, mukwesu.

<sup>108</sup> We elede kuusa cabunaleza. We elede kulyaambilila cintu eco. We elede ku cibamba kululama. To konzyi kucicita... Jesu wakati, “Cindi waunka ku cipaililo, koyeeya munyoko ujisi kaambo katalule kuli nduwe, koya kuli nguwe lutaanzi kotana kupa cipego cako awa, kuyanzanisigwa a mukwesu.” Mwabona? Cili mukuba ndiswe, kuli ndiswe, kuti tu zulizye bululami boonse.

<sup>109</sup> A nywebo no banakazi a masusu mafwaafwi, ageledwe, sena mulizi ncenzi? Cili mukuba kuli nduwe kuti waalekele masusu ako alampe akulilemeka mbuli mulindu. Nywebo nomu sama zigonkolole; amu zisamunune, musame madressi. Cili mukuba kuli ndinywe kuti mulilemeke mbuli Banakristo, mbo mbubo, nkaambo Bbaibbele lya kaamba kuti eco cili lubide. Ii mwanakazi taelede kucita ceeco.

<sup>110</sup> Elyo nywebo nobaalumi nomufweba misanga, eco ta ceelede kuba. Elyo nywebo nobaalumi nomu lekela bamakaintu banu kucita ceeco, elyo mpawo mwaamba kuti muli “banabalombe ba Leza,” i mwaalumi?

<sup>111</sup> I cikonke, cipati eco cakatolwa ku pobwe lya lukwatano, “luyandisyo, lulemeko, a kuswiilila,” kwa kamana. Mu America, mwanakazi ujisi nguzu zya nzila. Ee, koonse nkwaya uli jisi nguzu zya nzila. I Bbaibbele lyakati uyooba a ncico munzila eyo.

<sup>112</sup> Ba amba kuti banakazi mbebainda kubikkila maanu ku kweenzya kuli mbo tujisi mu cisi. Oko nkulubila. Mwana wangu a Ndime, kulanduka cisi, koonse akoonse, kuyobola bbuku, nkabela ciindi coonse kwa nooli nce twiita kuti bboo-bboo

kukwelwa mu mugwagwa, ikuti na mwaalumi twa cibikka kungsi lya mwaalumi, a mwanakazi kungsi lya mwanakazi. Elyo kungsi lya ma bbuu-bbuu ali myaanda yotatwe kulanduka cisi coonse, kwakali bali myaanda yobilo amakumi ali lusele aomwe wa mbabo banakazi.

113 Mbobuti mboba kayaamika yabo? Nkaambo ka mpuwo eyo yakanjila. Nincobeni, balo basilikali taba kabaangi banakazi balibonya kabotu ikuti na bajisi mweelwe wa telefooni. Taba kaba nyoneni mukati. Ba yo balekela kwiinka, alimwi ako nko kaambo.

114 Nywebo mwabona, yaba inyika ya mwanakazi. I Bbaibbele lyakati ciyooba boobo. Mbubonya. Aboobo mukambausi mu cikambaukilo utandila buyo kuba cintu nciconya, ula yoowa kwaamba cimwi kulwana ncico.

115 Pele cili mukuba kuli ndiswe kuti tu zulizye bululami boonse. Ceelede kwaambwa kubusena bumwi. Yebo tolangi ku mpuwo yako a mpuwo awa. Uli i—uli mwaange wa luyando ku Makani mabotu aa Jesu Kristo, a bulizi bwa mulimo. Uli mwaange kuli Nguwe, nkabela to konzyi kwaamba cintu cimbi cita eco Muuya Uusalala nco waamba, a kukambauka cintu ciluleme. Mbubo. Wa kaba mwaange wa luyandisyo kuli Nguwe. Mpawo tokwe ndaba na ncinzi, weelede kuzulizya bululami boonse. Ii mukutausi weelede kukanana ceeco, nywebo nobantu ba Pentekoste kapati, abo—abo bazi kabotu kwiinda—kwiinda kulekela eco kuta subulwa mbuli boobo.

116 Lino okuno ciindi cimwi cainda, mwaalumi mulemu wampuwo wakasika kuli ndime, kati, “Sa tokoleka balo banakazi balikke?” Kati, “Boola okuno, Ndi yanda kubikka maanza ali nduwe aku kukombela, kuti uyo zumanana, a kuzumanana kukombela balwazi.” Kati, “Baa, bantu bakulanganya mbuli musinsimi.”

Nda kati, “Nse kaamba kuti Nda kali musinsimi.”

117 Wa kati, “Pele bantu bakulanganya mbuli boobo.” Kati, “We elede kuyiisya bantu nzila ya kujana zipego zipati zya kumuuya.”

Nda kati, “Eelyo ndepenzi a mbungano sunu.”

118 Kati, “Kutali kubaambila kujatikizya masusu abo ageledwe, a *ceeci*, *eco*, i *cimbi*. Ndi . . .” Kati, “We elede kuba yiisya zintu, zipati.”

119 Nda kati, “Mbobuti Mbwe konzya kubayiisya alujebra kakuli taba kakonzyi kwiiya ma ABC abo?” Mbo mbubo.

120 We elede kutalika kuzwa kubusena bumwi, aboobo kuselemukila kungsi a kuyaka. Muta soli kutalikila atala; tamu jisi ntalisyo imwi. Elyo nde penzi kuli ncico sunu, bakwesu, taba bwezi Eci, “Cileelede kuli ndiswe kuzulizya bululami boonse.”

Amubone aba Baangelo lino.

<sup>121</sup> Elyo Johane Mubapatizi, Paulo, bamwi bandeene, cindi niba kabona obo Bulemu bwa Leza a Mumuni oyo, ba kakotama kuli Nguwo. Ba, iiyi, baka Ci lemeka, baka Ci lemeka, nkaambo kuti bakali bombya lwabo.

<sup>122</sup> Elyo aba Baangelo, abalo, abo bakutauka mu Busyu Bwakwe, bavumba matende Abo a kuvumba busyu Bwabo. Oh, ma! Lino amubone, cakufwambaana lino, Wa kajisi mababa aambi obile, alimwi, kwiinda kuli eci, Wa kali kukonzya kulibikka Mwini mu mulimo.

<sup>123</sup> Lino ino mulanda wini mbwa bede, wa Leza, wakalizi, kutondezya musinsimi obo mulanda Wakwe mbwa kabamba mbwa keelede kuba. Ino mulanda weelede kuba nzi? Lino aba balanda balanga ku... Wa kalanga ii—ii muntu aa nyika awa akubona kukakilwa nkwa kabamba, mpawo Leza waka mutondezya Bwami ku Julu, cuuno cabwami. Oyo ngo Nguwe wa kulanga. Mpawo Wa kamutondezya obo mulanda wini mbwaelede kuba, oyo wakabeleka mu Busyu Bwakwe. Elyo mbaaba ba Serafimu, mpawo, baka vumba masyu Abo aasalala, kavumba matende Abo, a mababa obile Ba kanjila mu ncito; babulemu, babombe, a mu ncito. Amen. Ikuti na oyo tali mulanda usamide, Ta ndizi mboubede; wabulemu, mubombe, a mu ncito. Oh, ma! Nda mwaambila!

<sup>124</sup> Mbuli mwanakazi muniini ku mukalo, cindi na kaziba eco cipego ca Leza, alimwi oyu Muntu wakaamba wakali Mesiya, masimpe caka mubikka mu ncito cakubinda ncobeni. Waa kaluba kujatikizya nongo yakwe ya maanzi. Waa kazuzila mu muunzi, kaamba, “Amuboole, mubone Muntu Oyo wandaambila zintu nze Nda kacita. Sa oyu tali nguwenya Mesiya?” Oh, ino mu mulimo oyo ngwa akalinjizya!

<sup>125</sup> Petro, cindi naka Mu bweza ku Ijwi Lyakwe, mbuli mbo twali kukanana cifumo cino, kubusena kuya mu bwaato. Sena mwakabona? Cindi Petro nakabweza Ijwi Lyakwe, a kulosya kanyandi ansi omuya, a kujata i—i mukuli mupati wa nswi, makamu answi, cakufwambaana Petro wakasiya kanyandi a kunjila mu ncito. Katana cita eco, wa kawida ansi kumbele lya Mwami, a kwaamba, “Kozwa kuli ndime, O Mwami, Ndili muntu sizibi.”

<sup>126</sup> Ikuti na ayo taali majwi ngaonya, mbubonya mbuli, Isaya musinsimi mbwakaamba, “Maawe kuli ndime, nkambo Nda kabona Mwami Leza, alimwi Ndili muntu wa milomo iitalali.”

<sup>127</sup> Sena tamu boni obo Busyu bwa Mwami mbo bucita ku basyomi beni? Ta tuyandi nekuba kulyaambilila; tu yanda buyo kwaamba, “Ee, tuli ba Pentekoste, tuli ba Baptisti, tuli ba Presbyteria,” a kuya bupona. Pele mulanda wa Leza, wini ncobeni wakaitwa, ula libombya mwini mu Busyu bwa Leza. Ta Bu jani butongo.

128 Amulange oyo wakajana butongo ku Mwami Jesu, bakali ba Farisi, ciimo cabukombi, bakali mbabo baka Mu jana butongo.

129 Pele muntu oyo wakali bambilide ncobeni kuba mulanda Wakwe, wakalibombya mwini a kunjila mu ncito. Jesu wakati, “Muyo Ndi tobela, nkabela Njo mubamba kuba bazeli ba bantu.” Cindi na kabona kuti Oyo wakali Leza ncobeni, wa kanjila mu ncito.

130 I muntu moofu oyo wakaponesegwa, Bbaibbele lya kaamba kuti wa “kamwaisya mpuwo Yakwe moonse mu cisi caku masi ambi.” Wa kanjila mu ncito cindi na kajana kuti Leza waka jisi Mwiiminizi awa aa nyika, abo bakali kukonzya kujula meso aa muntu moofu, a kuunka koonse kabapa bumboni, kupa kulumbaizya Leza. Elyo ba Farisi baka mujata, a ceeco cakali kuyooba kuli nguwe, alimwi mbuli Mbwe amba cifumo cino. “Baa,” wa kati, “Nse konzyi kupandulula, kukazya lwiiyo lwabukombi a nduwe. Pele eci cintu comwe Nce zyi, omo Mwe kali boofu ciindi cimwi, Nda bona lino.” Wa kali mu ncito, masimpe, nkaambo wa kamwaisya mpuwo Yakwe koonse.

131 Elyo, ciindicimwi, ndiza toli mukutausi, ku mwaya mpuwo Yakwe, pele buumi bwako buyo mwaisya mpuwo Yakwe ikuti na uyo pona buyo kabotu.

132 I bantu bacete ku Pentekoste, nkamu eyo ya bazeli banswi a—a basikubwezelela mitelo, azimwi zimbi, a ncito ibombede. Ba kaunka kutala okuya ku cisyomezyo ca Leza, nkabela baka lindila mu ng’anda yamujulu kwa mazuba ali kkumi. “Elyo mpoonya biyo mpaawo kwakasika coongo kuzwa ku Julu mbuli guwona lyuungisya, wakazuzya ng’anda yoonse omo mo baka kkede.” Elyo baka njila mu ncito, nkaambo kakuti bakabona cisyomezyo ca Leza kacitondezegwa. Ca kasimpikizigwa kuli mbabo, cisyomezyo ca Leza, nkabela caka babikka mu ncito. Cindi cisyomezyo Cakwe nicaka zulizigwa, caka babikka mu ncito.

133 Mweenzuma, akube kuti Nda ambe ceeci. Eco nco twa kabona mu mwaka wainda na yobilo, mu Bwami bwa Leza, weelede kubikka Munakristo aumwi wakazyalululwa mu ncito. Pele cintu ca nco ngu, ta tu—ta tu cilemeki pe, kumvwisya kuti ngu Leza. Tu—tu baanga nkuyandisya kunini. Tu yanda kubona zintu ziniini, a kupa kunyanyamukwa. Tu yanda kulimvwa kabotu. Tu yanda kucita zintu ezi. Pele cindi caboola ncobeni ku Ci lemeka ncobeni a ku Ci syoma a moyo wesu oonse, ci tubikka mu mulimo.

134 Ee, cindi Angelo naka swaana Maria cifumo eco mu lweendo kuya ku mukalo, a kumwaambila kuti waa kali “kuyooba a Muvwanda, mukutaziba mwaalumi,” caka mubikka mu ncito. Waa kaunka cakufwambaana, kaambila bantubonse kuti waa kali “kuyooba a Muvwanda, mukutaziba mwaalumi.” Ta kajisi makani eco nco cakali kwaamba kuli ceeco bantu ncoba kaamba.

Waa kaswaana Angelo wa Leza mubwini, nkabela caka mubikka mu ncito. Waa kali kutweluka kuti Muuya Uusalala wakali ali nguwe, kulenga muli nguwe Buumi.

<sup>135</sup> Oh, ikuti na twa konzya buyo kuziba kuti, Muuya Uusalala uli ali ndiswe, kuulenga muli ndiswe lusyomo, kusola kulitondezya Mwini mu nzila zinji loko zyandeene a zipego, ku kulenga lusyomo lwa Mbungano ya kukwempwa. Ce elede ku tubikka mu ncito. Pele ndalibuzya ikuti na tuli mukucicita buyo nzila Mbwa kali kuyanda kuba, a lulemeko a bubombe?

<sup>136</sup> I Musumpululu wa Mulilo mu mazuba aya akumamanino weelede kubikka mbungano yoonse mu ncito, Calo kacisimpikizigwa, zitondezyo zya Kuboola Kwakwe zili afwaafwi.

<sup>137</sup> Israyeli yajokela ku nyika yayo yakuzyalilwa. Jesu wakati, “Cindi musamu wa bukuyu wasonsa delema, eyi nzyalani taika lobu kusikila zintu ezi zyoonse zika zulile.” Cindi Israyeli yajokela ku nyika yayo yakuzyalilwa a kuba cisi, eyo nzyalani iyo bona Kuboola kwa Mesiya.

<sup>138</sup> Ndi jisi kabeela kuzwa ku rabi mu Palestine, buzuba bumwi, kakali kuuma maningi. Kuli musansa muniini, mwaka oyu, ya komena mu Palestine eyo yataka bonwa okuya kwa myaanda a myaanda ya myaka. Elyo cakaambwa kumbele, kwiinda kuba Juda, kuti cindi misansa eyo yakomena alubo, Mesiya uli mu lweendo Lwakwe.

<sup>139</sup> I bantu basongo abo bakazwa kutala mu Babuloni, alimwi bakali kulangalanga nyenyeezi, bakali ba astronomi. Elyo mbuli mbo bakaiya nyenyeezi, ba kabona nyenyeezi ezi zgotatwe kazilila. Hamu, Shemu, a nyenyeezi ya Jafeti, eyo njo bakazyalwa kungsi, kandandamikwa, elyo ba kalizi. Abo basyomi basayaansi bakalangilila zilenge zyakujulu, nzila mbo bakeenda, elyo cindi niba kabona nyenyeezi ezyo kaziboola mu kweendelana a Jerusalema. Nkambo, ikuti na bakali ku Babuloni, ba kalanga nkoonya kugama ku Jerusalema, kutozya Kumbo, kuyo cibona. Elyo cindi niba kabona eco kacinjila, ba kalizi kuti cindi nyenyeezi ezyo nizya kanjila mu kweendelana kuli imwi aimwi, i Mesiya wakali aa nyika. Bulemu!

<sup>140</sup> Elyo cindi twa bona Israyeli kaya ku muunzi, nkabela Muuya Uusalala kautilwa mu mabungano, makani abunakristo akuunka antoomwe, a Kkansa ya Mabungano, a zintu, a Bunakatolika bwa Roma a buna Protestanti kabu kamantana antoomwe, Mesiya uyo boola kukwempwa Nabwiinga Wakwe.

<sup>141</sup> Elyo Leza ulatuma zipego, kusola kulenga muli ndiswe lusyomo olo luyo tugusya kuzwa awa, buzubabumwi, mu Kukwempwa; kuponya baciswa, kujula meso aa boofu, kubusya bafu!

142 Zitondezyo zipati ku julu atala, Baangelo kababoola muli bandakutema! Alimwi banasayaansi kabata cilanga, kaambwa kumbele myeezi kacitana citika. Nceeco mbo cakabede. Nceeco mbo cibede mu magazini. Kwaambwa myeezi kacitana citika! Baangelo bali Ciloba bakaseluka ansi, a kuti, “I ciyubunuzyo cimaninide ca cinamatizyo ca cacisambbomwe ca makani aasisidwe aa Leza ayo vungululwa.” Elyo nceeco mbo cakabede mbubonya buyo mbuli Mbwa kaamba, cakaambwa kumbele kacitana citika.

143 Elyo bala langa koonse, bala jana musyobo oonse wa kuboneka kwa maseseke, a kubaita kuti zilenge zigambyakwiinda zya musyobo umwi. Ba ciita kuti ndeke zyeenzegwa abataambi, zitondezyo ziyoosya mu milengalenga, aa nyika. Zitondezyo, zitondezyo zitondeka kuli ndiswe kuti Kuboola kwa Mwami Jesu kuli afwaafwi.

144 Lino zisyango ziniini zya musaansa. Israyeli ncisi ciligaminide cini. Cili jisi musyobo waco cini, ndembela yaco cini. I nyenyezi yakaindi ya ziimbi zili cisambomwe iya Davida, ndembela yakaindi maningi mu inyika, ilauluka alubo, kwa ciindi citaanzi kutandila myaka ili myaanda ya makumi obilo ayosanwe. Bali jisi mpi yabo beni. Bali jisi mali abo beni. Bali mumsi. . . kwiimininwa mu Masi Akamantene. Balo ncisi, kwa ciindi citaanzi kwa myaka ili myaanda ya makumi obilo ayosanwe. Elyo kuciindi nibakali kubungana mu. . .

145 Ndi jisi teepu ya ncico, cifwanikiso, mbo tu ciita *Maminiti Otatwe Mane Aakatikamasiku*. Elyo muli ceeco, ba kabuzya aba ba Juda, ku baleta mukati, bapati, kusule lyabo, kaba bweza. Ba lati, “Sena waboola ku nyika yakuzyalilwa ku zoofwa?” “Peepe, twa boola kubona Mesiya.” Ameni. Cindi wabona mibuzyo eyo, eyo ni kkalenda ya Leza, oyo Mesiya utandila kulibonya. Oh, ma!

146 Twe elede kulibombya. Obo mbo tweelede kuba babulemu! Obo mbo tweelede kuba mu ncito, kusola kubamba buntu boonse kufutulwa obo mbo tukonzya, kusabalanganya imbuto kuzwa kululyo kuya kulumwesi, a kucita zintuzyonse nzo tukonzya.

147 Pele mucibaka ca ceeco, tu laamba, “Bulemu kuli Leza, Nse limvwi mbuli kuunka sunumasiku. Nda syoma, ee, Nda syoma Ndiyo kkala ku ng’anda a kubona kapepele aka kabotu ka televizhioni sunumasiku. Walo muswaangano wa mipailo, pele. . .” Ii mbungano yoona, Laodikeya, ivubide! Oh, ma! Mpaawo mpo tubede.

Ce elede ku tubikka mu ncito.

148 Swebo, mbuli musinsimi, kulibonya kuzwa mu kulisumpula kwakwe, ii tubungwe. Tula bona ncobeni sunu, mu mbungano, eco caka citika, mbuli Isaya mbwa kabona. Wa kabona muntu nekubaboobo kalemekwa a Leza, pele twa kamubona, wa kamubona kalisumpula mwini nkabela wakaumwa cinsenda. Swebo sunu, tula bona cintu nciconya, ca tubungwe tulisumpula,

“Tuli imwi mpati kwiinda ya nkamu. Tu jisi mamembala manji kwiinda bamwi babo.” Kulisumpula cigaminina, mwaabona cinsenda ca kutasyoma caka bauma, nkabela baka tandwa.

<sup>149</sup> Mpawo tweelede kulangila cilengaano kuzwa ku Julu, eco ciyo tu tondezya Jesu Kristo aakati kesu, Ijwi Lyakwe lyaka syomezegwa kuti Uyo ocicita, iyyi, munene, uta ongelezegwi ku ciyanza cimwi ca kabambwa aabantu, pele koongelezegwa aa Leza Mwini.

<sup>150</sup> Tula bajana, mbuli Uziya, wasweekelwa kujatilila kwabo aa Ijwi, nkaambo baka Li sintanya ku tunsiyansiya, kusola kulibamba beni mbuli Uziya wakale, kusola kubweza busena bwa mulimo uunanikidwe kunze lya cibumbili, a kukaka Ijwi lya Leza lya bwini. Taba jisi mulimo limbi kunze okuya kwiinda Uziya mbwa kacita muli ceeco, ku cipaililo eco, a tununkilizyo. Ii muntu utaminina kuba Munakristo, nkabela uyo kaka tusimpe twa Ijwi, ta akacikwe limbi mulimo mu cikambaukilo kwiinda Uziya nkwa akajisi a ceeco—aceeco cinsenda. Ii muntu waka taminina kubbizigwa a Muuya Uusalala, a kulelekwa kwa Leza, nkabela uyo ima a kukaka Bbaibbele eelyo a Bwini bwa Ndilyo, bwa Li sintanya kuba kayanza kabuzumini na cintucimwi, walo uzwide buyo cinsenda ca cibi a kutasyoma mbuli Uziya mbwa kabede.

<sup>151</sup> Wa katandwa kuzwa ku ofesi, pele basola kuzulizya ofesi eyo kwiinda ku bupampu. “Ndime Mwiiyi Ph.D., LL.D. *Niini-a-niini.*” Mwabona, ba sola kubweza ceeco a kupa kaanzambwene ku bunanike bwa Muuya Uusalala. Nywebo mwabona, nkikaako, muntu inga wabweza Bbaibbele eelyo, a kabunga kamwi kapati inga ka cipandulula a kuli tantamuka, a kucibikka awa a kucibamba kuboneka kabotu loko kuli ndinywe. Obo mbupampu. Ako nkaambo kakuti wa kaiya a kwiiya, zya tumpangaliko otu a zintu, nzila ya kucibikka antoomwe.

<sup>152</sup> Pele andi kwaambile cintucimwi. Cindi Leza aseluka mu Ijwi Lyakwe, Ta libikka biyo antoomwe, Ula Li yubununa okuya aku Li bamba kuba lyuumi, aku Li simpikizya aku Li tondezya, kuti ndya Bwini. Obo mbwini bwa Ijwi. Nce cindi Leza Mwini naamba.

<sup>153</sup> I cilengaano cakayanda musinsimi. Oh, nguzu cilengaano nco caka jisi aali nguwe! Ca kacitya musinsimi oyu. . .

<sup>154</sup> Lino, amuyeeye, wa kali kulanga ku muntu. Pele cindi na kabona cintucimwi cini. . . Wa kwicita kulangilila bumi bwa muntu busalala, wa kamulangilila kukakilwa, wa kamubona kabweza cinsenda a kufwa. Mu langa ku cintu nciconya mu tubungwe twanu. Mwabona awo umwi aumwi wabo mpaunkide?

<sup>155</sup> Lino eyi nkamu mpati ya bupaizi. Ikuti na mbungano taili mu kabunga aka ka bupaizi, mu ciindi ca—ca cibukilambuta, eyo mbungano taikonzyi kubelesegwa mbuli mbungano. “Elyo



taakwe mukutausi ukonzya kukutauka ku muntu uli oonse, uyo jaigwa ku kucita boobo. Ikuti na ula kutauka kufumbwa cilongezyo ku bantu anze, uli a mulimo wa bupaizi.” Obo mbombubo mu malembo sunu, kwiinda kuli ba Lutherani; Nda luba zina lyakwe. Mwabona, mbo mbubo. “Mbungano yako taikonzyi ku kombelwa mo; iyo bambwa kuba buyake bwa ciyobwedo.” Amubone caando ca munyama kaciboola kale kubeleka, nkabela tu ci langilila. I ciindi, oh, ceelede kubikka mbungano mu ncito. Nincobeni, yeelede kucita.

<sup>156</sup> Amulangilile nguzu zya cilengaano lino, eco nco cacacita ku musinsimi. Caka mucitya. . . kumane kulangilila muntu oyo, a ku cibona kukakilwa. Wa kabona Leza kanyema a muntu, nkabela waka tantamuka kuzwa kuli nguwe, a kumuuma cinsenda.

<sup>157</sup> Mpawo wa kaselemukila ku tempele, kuyo amba, “Mwami Leza, Ndi lizi kuti Nduwe Leza. Elyo Nda kali kulanga ku cintu cilubide.” Elyo mpawo Leza waka mutondezya cilengaano. Elyo kutali buyo cilengaano, pele cilengaano caka simpikizigwa; nkaambo, akati kabo kwakali ba Serafimu kuuluka koonse akoonse, alimwi akwalo jwi Lyabo lya kayuuntanya buyake cindi ni lya kaboola antoomwe, zikunguzyo zya ndilyo.

<sup>158</sup> Elyo mpawo, mwabona, wa kabona cintucimwi cini. Elyo, nekubaboobo, wa kali musinsimi. Wa kali ii. . . I—i musinsimi ngo nguwe Ijwi nkoli boola. Pele walo taakwe nakazwa limbi mu bweende kunze kwa ceeco nca akali kulangilila, busalali bwakwe, Uziya, kalanga ku mweembeli, i—i mulombwana mupati. Elyo cindi na kabona kukakilwa kuya, kwa Ijwi, akubona Ijwi kutapatila muntu nkaambo wa kali kubisizya ofesi elyo ndya ataka jisilidi mulimo waku cita, mpawo ncenzi cakacitika? Wa kalungumana, nkabela wa kabona Mwami.

<sup>159</sup> Sa inga mwabala akati ka mizila? Sa inga mwabona eco Nce wamba lino? I Mwami Jesu oyo wakasyomezya, “Mbuli mbo kwakabede mu mazuba akwa Lota, mbubonya mbo kuyooba ku kuboola kwa Mwana wa muntu.” I Leza nguwenya wakalemba Bbaibbele, wakati, “Jesu Kristo ngu mbobuca nguwenya, sunu, amuya myaaka.” Elyo Wa kati, “Oyo usyoma ali Ndime, milimo Nje cita uyo icita awalo.” Sena mwamvwa eco Nce pandulula?

<sup>160</sup> Mpawo oyo muntu wa myoyo iisyoumeke wakabona Bulemu bwa Leza, wa ka Bu bona mu mulimo. Elyo wa koompolola, mbuli sizibi, a kulyambilila mwini kuba sizibi. Ta kalina bona cimwicilicoonse mbuli ceeco, cini loko, kale. Wa kalyambilila kuti wakali sizibi.

<sup>161</sup> Mpawo ncenzi cakacitika? Cindi musinsimi naka libambila kulyaambilila, mpawo kwa kaboola kusalazya kwini.

<sup>162</sup> Kusikila bantu bali bambile kulyaambilila, taku yandikani kuba a miswaangano eyi ya kuponya. Ikuti na uyo lyaambilila zibi zyako, kolyaambilila kutasyoma kwako, kulyaambilila zintu

nzo cita zilubide, mpawo Leza inga wacita cintucimwi. Pele kusikila kwaba kulyaambilila, taku konzyi kuba kusalazya.

<sup>163</sup> Elyo Isaya mbwa kaambila biyo kuti, “Maawe nde ndime! Ndili muntu wa milomo iitasalali, alimwi Ndi kkala a bantu ba milomo iitasalali.” Mpawo kuboola kulyaambilila, kuti, mpawo kwakasika Kerabimu a Mulilo. Sena mwakabona? Leza taka belesya seminari ku musalazya andilyo. Ta kabelesya i—i bbuku lya milao kuti imusalazye. Wa kamusalazya kwiinda ku Mulilo.

<sup>164</sup> Leza lyoonse ulasalazya balanda Bakwe, cindi Na libambila kuba bikka mu bulizi, kwiinda ku Muuya Uusalala a Mulilo. Leza ulasalazya a Mulilo; kutali a mabbuku, kutali a lwiiyo, kutali ku muzeezo wa bupampu, kutali ku kabungwe. Pele kwiinda ku Mulilo wa Muuya Uusalala, Leza usalazya mulanda Wakwe.

<sup>165</sup> Mpawo amubone, mpawo, kumane kulyaambilila, kumane kusalazigwa, mpawo kwa kaboola kutumwa. Mpawo kwakali kutumwa. Kumane kulyambilila a kusalazigwa, mpawo cakali cakuti Isaya uusalala wakaingula Leza, a kuti, “Mpaawa Mpe ndi, kondi tuma.” Na akamana kusalazigwa, kulyaambilila, kusalazigwa kwiinda ku Mulilo, mpawo oyo Isaya uusalala wakali libambilide ku mulimo. Wa kali libambilide kuba mukozyanyo. Wa kali libambilide ku—ku gusya buumi bwakwe, kutegwa bamwi bakonzye koongelezegwa a nguwe.

<sup>166</sup> Pele kusikila wa ka caamba, kusikila wa kasalazigwa, mpawo wa kali koongelezya kubi, mbubonya mbuli cibumbili ca mwaami.

<sup>167</sup> Lino wa salazigwa, lino wa kalyaambilila a kusalazigwa, a kwiitwa a kutumwa kuba musinsimi. Elyo Leza waka mulekela kulemba Bbaibbele lyoonse, mu Mabbuku ali makumi ali cisambomwe acisambomwe ca Bbaibbele, kuli macapita ali makumi ali cisambomwe acisambomwe aa Isaya. Ula talika mu Matalikilo; akati ka Bbuku kwasika Johane Mubapatizi; a kuunka kulaale mu bulelo bwa Mileniamu, muli Isaya 65 a 66, mbo mbubo, Ciyubunuzyo. Wa kalemba bupanduluzi boonse bwa Bbaibbele. Nkaambonzi? Nkaambo wa kalibombya mwini cindi na kabona Busyu bwa Leza.

<sup>168</sup> Ino wa kacita nzi? Elyo wakwe, nakamana kucita ceeco, a kulibombya mwini nkabela waka salazigwa a kubikkwa ambali, a kusalazigwa a kutumwa, waka boongelezya bantu bali mamilioni. Ndeeli Bbuku lyakwe, mboobu Bulembo bwa Isaya obo bwa koongelezya bantu kuzwa ciindi eco kuselemukila kuli ceeci. Koongelezya kwakwe kula zumanana.

<sup>169</sup> I Bbaibbele lyakati, “Milimo yabo iyo batobela.” Mbuli Muuya Uusalala mbowa kaambila Johane, aa Ciyubunuzyo, na aa Kasuwa ka Patimo, “We elede kusinsima kumbele lya bami a masi a bantu.” I Bbuku lya Ciyubunuzyo li cisinsima. “Bala pumuna kuzwa ku kubeleka kwabo, pele milimo yabo ila

batobela.” Koongelezya kwabo oko nko baka jisi, kuci ba tobela. Mwabona? Nincobeni, mbo cibede.

<sup>170</sup> Elyo lino, sunu, tu jana cintu nciconya, ikoongelezya. Twe elede koongelezya.

<sup>171</sup> Katu taninga konzya koongelezya, twe elede kuziba Leza, twe elede kusalala, twe elede kuba babombede. Twe elede kulifwinsya tobeni, a kuziba, kuzumanana buyo kwezeezya a kuziba obo kuceya mbobede. Toli cintu. Nseli cintu. Elyo taakwe wesu utali cintu, pele Ngu zyoonse. Walo uleelela kulumbaizya koonse, O Kabelele wa Leza. Eco nco tu yandikana nku jokela ku tempele, tu yandikana kujokela ku cipaililo ca Leza a kubamba cipaililo mu myoyo yesu ini, awo mpo tukonzya kulipa tobeni, elyo mpawo kubona Mwami Leza wa makamu kaseluka mu mazuba aya akumamanino a kucita eco Nca kacita cindi Na kali waano lutaanzi. Mpawo muyo cimvwisya, a kulila, “Maawe kuli ndime!”

Cindi ikkala lya Mulilo ni lyaka guma musinsimi,  
Kumubamba kunjoloma mbuli kunjoloma mbo kukonzeka kuba,  
Cindi Jwi lya Leza nilya kati, “Nguni utii twiinkile?”

Mpawo wa kaingula, “Simalela, mpaawa, kondi tuma.”

<sup>172</sup> Sa mbo mbubo? Atu yiimbe.

Koamba, Mwami wangu, koamba, Mwami wangu,  
Koamba, nkabela Njo fwambaana kwiingula... mebo;  
Koamba, Mwami wangu, koamba, Mwami wangu,  
Koamba, nkabela Njo vwiila, “Mwami, kondi tuma.”

Amuswiilile, beenzuma:

Mamilioni lino mu cibi a mause bali mukufwa,  
Amuswiilile ku kuusa a kulila kwabo kupati;  
Kobinda, mukwesu, kobinda ku kuvunwa kwabo;  
Cakufwambaana koingula, “Simalela, mpaawa Mpendi.”

Lino kanana, Mwami wangu, kanana, Mwami wangu,  
Koamba, nkabela Njo fwambaana Ku vwiila;  
Koamba, Mwami wangu, koamba, Mwami wangu,  
Koamba, nkabela Njo vwiila, “Mwami, kondi tuma.”

173 Sena mula Mu yanda? Atu kotamike mitwe yesu lino, aniini buyo, a kung'ung'una eci.

. . . i kkala lya Mulilo lyaka guma musinsimi,

174 Atu ng'ung'une lino.

Kumubamba kunjoloma mbuli kunjoloma mbo  
kukonzeka kuba,  
Cindi Jwi lya Leza nilya kati, “Nguni uti  
twiinkile?”  
Mpawo wa kaingula, “Simalela, mpaawa,  
kondi tuma.”

Koamba, Mwami wangu, koamba, Mwami  
wangu,  
Koamba, nkabela Njo fwambaana Ku vwiila;  
Koamba, Mwami wangu, koamba, Mwami  
wangu,  
Koamba, nkabela Njo vwiila, “Mwami, kondi  
tuma.”

175 Taata Wakujulu, tu lindila kusalazigwa kwa kutasyoma konse, nkambo ncobeni bali mamilioni lino mu cibi a mause bali mukufwa. Ino mbubotu nzi, Mwami, mbo ci cita, kuti tu—kuti twa amba, kakutakwe kuba aceeco nco tulibanda kuba aco? Obo mbo citu gwasya kusola kuyeeyela a bupampu bwesu kuti cintucimwi cacitika, cindi twa ziba ncobeni kuti tacina citika? Taata wesu Wakujulu, twa komba kuti Uyo tusalazya lino kuzwa ku kutasyoma kwesu koonse, a zintu zyesu zyoonse zyakunyama zya buumi, kutegwa inga twa salala ku Bulowa bwa Mwami Jesu.

176 Eyi nkamu awa mu Chicago, kwiinda ku cilengaano eco cifumo cimwi, Mwami, Ndi lizi kuli cibeela ca Nabwiinga oyo ulindila awa, alimwi Ta ndizi buyo nzila ya ku cijata, Mwami. Ndili mukubyala buyo mbuto kufumbwa Nkwe konzya. Nda komba, Leza, ikuti na nkobali balo awa, sunumasiku, abo—abo bata—abo bata jisi luzibo olu, kuti tabana bedede a kubona Bwami bwini bwa Leza kabu tondezegwa, teeba kasola kulimvwa micelo ya nico, a kubona maumi abo kuzundana ku Ijwi lyoonse, a kukonzya, azimwi zimbi; Mwami, kopa sunumasiku kutegwa obu bukabe busiku bwa kuti bayo cicita. Ko cipa, Taata. Twa lomba eci mu Zina lya Jesu. Amen.

177 Lino cabulemu. Ndili—Ndili masimpe kuti muli ndizi kabotu loko, na Nda syoma mula cita. Nseli sikwiindilizya. Ikuti na Mbwe bedede, Nse—Nse cizyi. Alimwi Nse syomi kuti Leza ula lemeka basikwiindilizya. Myaka yoonse eeyi, a mu muunda, kwakali cintucimwi cakacitika. Ndili munyoko. Pele Nda—Nda syoma a moyo wangu oonse kuti. . . Lino Nse konzyi kwaamba kuti Mwami waka ndaambila, pele Nda syoma kuti eyi nzyalani ii pona lino iyo peda bumboni ku Kukwempwa oko. Oko nko kuswena munsu, Nda syoma. Nse konzyi kubona cintu cimbi

ciboola. Mwabona, zintuzyonse zya inka nkoonya ku busena bwazyo.

<sup>178</sup> Amuyeeye cintu camamanino caka citika Sodoma kiitana kuumpwa? I Mwami waka yubululwa mu mubili wabuntu. Lino, Wa kali Muntu. Wa kalya nyama alimwi Wa kanywa mukupa uuzwa ku ng'ombe, a kulya cinkwa camapopwe, a kulya moombe wa ng'ombe, a kwiima awo a kulya. Elyo nekubaboobo Abrahamu, oyo wakaambaula kuli Nguwe, kati wakali “Leza Singuzuzyonse.” Mu mubili wabuntu? Iiyi. Wa kali kutondezya mukozyanyo wa ceeco Nca kali kuyo cita mu mazuba aakumamanino. Jesu waka tondeka kusule kuli ncico.

<sup>179</sup> Eno amulangilile mulimo Ngwa kacita. I cintu citaanzi, Wa katondeka kusule ku cisyomezyo Cakwe. Humu! Sena mwabona lubazu lwa lwiiyo lwabukombi ilwa ncico? Mwabona, Wa kati, “Nda kakupa cisyomezyo, elyo lino Ndili waano kucisimpikizya.” Elyo lino obo mbo tuzi kuti cisyomezyo cili. . . Amulangilile eco. Ba kali kulindila. Mulilo kautana kuwa, Abrahamu a Sarah bakali kulindila mwana waka syomezegwa. Leza wakalibonya mu mubili wabuntu a kucita zitondezyo kumbele lyabo, kuti Jesu waka tondeka kuti ciyooaba cintu nciconya ku Kuboola Kwakwe, kuti Walo Mwana wakasyomezya. Elyo twa kabona eco lino kwa, kuyabuya, myaka ili kkumi ayosanwe.

<sup>180</sup> Elyo nkabela nekubaboobo mbungano yaindila kubija. Ta cigambyi, inga twa bona ncobeni kuti tuli mu Bukkalo bwa Laodikeya.

<sup>181</sup> Lino Muuya Uusalala mpouli ano. Inga kwaba bamwi omuno. . . Tu li, tu li, tu li jisi, twa—twa kali kukombela baciswa, pele Ndi bamba lwiito lwa ku cipaililo. Ndi bamba lwiito lwaku cipaililo kuli bonse basikulitaminina a baabo batana bamba kulitaminina. Ndi mulomba kuunka a ndime ku tempele lya Leza, lili muli ndinywe. Koya ku kulyaambilila kwa moyo wako, a kwaamba, “Mwami Leza, kondi salazya. Elyo kotuma Angelo, a kkala lya Mulilo, a—a kugusya kuli ndime kutasyoma koonse, kutegwa busiku obu inga Nda ziba Busyu bwa Leza, mbuli Isaya musinsimi mbwa kacita cindi Angelo naka muguma.” Ndi yanda kuti mucicite eco, a kusinizya ncobeni.

<sup>182</sup> Elyo lino tu jisi cisyomezyo ca bukkalo obu. Tii twa kasyomezegwa cikama cipati ca lwiiyo lwabukombi. Twa kasyomezegwa. . .

<sup>183</sup> Amulange, i—i ba Hebrayo baka jisi myaka ili zyuulu zyobilo zya lwiiyo lwabukombi, pele baka jisi citondezyo caka pegwa kuli mbabo kabatana nyonyoonwa. Lota a mbabo baka jisi citondezyo cimbi caka pegwa kuli mbabo. Ba kabona citondezyo nciconya. Elyo lino ikuti na Leza walekela bantu. . . Cindi Jesu nakali waano, Wa kabamba citondezyo eco nciconya ku ba Hebrayo, Wa kacibamba kuba Samaria, a kutali kuli Bamasi.

184 Lino aya mamanino aa Bukkalo bwa Bamasi, mbuli mbo kwakabede kaindi ku bukkalo bwabo. I Mbungano ya Bamasi ili mukwiitwa. Lino, Leza takonzyi kucinca bukanze Bwakwe, nkaambo Walo mupatikampatila, alimwi Uli londokede, uulikokoonse, uuzizintuzyoonse, uujisi nguzuzyoonse, a mupatikampatila. Ikuti na Tali obo, Tali Leza. Aboobo, nywebo mwabona, We elede kucita cintu nciconya Nca kacita kaindi. Ako nkekaambo ncoba kaziba mu nzyalani aimwi eyo Nja kaliyubulula Mwini, yakali nzila njiyonya, mukuziba kuti Ngu mbobuca.

185 Lino, ikuti na Jesu Kristo waimikila awa, sunumasiku, aa cibumbili eci, ikuti na Wa kaima awa, cintu buyo eco Nca kali kuyo cita, inga caba cintu nciconya Nca kacita cindi Na kali kusule awa, ku kubamba bantu kumvwisya kuti Wa kali Mwana wa Leza.

186 Lino Mpali ano. Wa kasyomezya kuba kokuno, alimwi lino nzila biyo Nja konzya kubeleka nkwiinda ku cisyomezyo Cakwe. “Ndili Musaansa; nywebo muli mitabi.” Elyo mitabi ilapa bumboni kuti buumi buli mukuzwa ku musaansa, nape ta ijisi buumi buli boonse muli njiyo. Pele ikuti na waka bukulusigwa kwiinda ku buumi, ci jisi buumi mbubonya obo munsaansa ncowa kajisi. Ci i—ci lali ezyanisa cini, nanka kulitonta cini mujulu ku mutabi.

187 Lino amubatame aniini. Elyo akube kuti Leza wa Julu andi gwasye, kuti, yebo aa nkambauko eyi eyo Nje kambauka, kuti cindi. . . Isaya, oyo musyomi, cindi na kasika ku busena obo mbwa kabona kukakilwa kwa muntu oyo wakasola kwiiminina Leza, mpawo wa kabona Leza kaseluka, a kasimpe kuli ncico, mpawo wa kalila, “Maawe kuli ndime!” Nkaambo, Leza wakapanga cisyomezyo mbuli ceeco. Wa kacibamba ku nzyalani anzyalani. Uli muku cibamba kuli ndiswe, muli ceeci mu nzyalani yesu. Tula bona zintuzyonse mbubonya mu ncililano ya Kuboola Kwakwe.

188 Lino sena mula syoma kuti Mpali ano? Lino akube kuti Andi gwasye.

189 Elyo Ndi yanda kuziba na mbangaye bantu baciswa baliko, amutambike maanza anu. Muli jisi lusyomo. Elyo lino Nda mulomba kubweza Lugwalo olu, Bahebrayo, kuti, “Walo Mupaizi Mupati waku lyaambilila kwesu, alimwi Ula konzya kugumwa kwiinda kukulimvwa kwa kulengauka kwesu.”

190 Lino amukombe, “Leza, andi Ku gume. Elyo mpawo Yebo, mu kujosya, ku vwiila kwiinda mwainda Mukwesu Branham, mbuli Mbo kacita kwiinda mu Mwana Wako wini. Walo mwana buyo wakulela, mbuli Mbwe bedede. Pele Wa kasyomezya kuti mu mazuba aya akumamanino Uyo cicita. Lino, Mwami, andi bone cintucimwi cini.” Elyo amukombe.

<sup>191</sup> Akube kuti Leza wa Julu, aa mbaakani ya moyo wangu kutilwa ku Chicago alimwi kufumbwa Nkwe unka, mbweni Wa litondezya kuba boobo.

<sup>192</sup> Oyo muntu wazwaa kubuka kusule mu cuuno cakwe, walo mulombwana mupati, ukkede nkoonya kumbele lyangu awa, oyo watambika maanza akwe. Peepe, umwi kusule, uusamide shaati lituba. Toli nduwe lwako ciganinina, pele ukombela muntuumwi umbi. Walo mukutausi. Sena ula syoma kuti inga Nda kwaambila eco cilubide kuli nguwe? Ujisi penzi lya moyo. Ikuti na mbo mbubo, vukauzya janza lyako. Ko mu syoma kuli nguwe lino.

<sup>193</sup> Ikuti na uyo cisyoma buyo! Pele weelede ku cisyoma. Ikuti na to cisyomi, ta cika beleki. I muntu mu kusinizya.

<sup>194</sup> Awa, awa, mpaawa kukkede mwanakazi ukkede mpoonya ansi awa muni lya mamanino aya, mwanakazi wabili kusule mu mundando wabili awa, mpoonya awa. Ulapengaana apenzi lya colon. Nku yambukilwa kwa mu colon yakwe. I mulindu muniini ku mamanino awo, ubaanga masusuatuba, koimikila ku matende ako kutegwa bantu bakonzye ku kubona. Iiyi, oyo nduwe. Obo mbwini. Nkuyambukilwa mu kkoloni, alimwi akwalo ujisi zintu zimbi zilubide, buyumuyumu bwakusilikwa. Ikuti na mbo mbubo, tambika janza lyako.

<sup>195</sup> Lino nguni ngwa guma? Kutali ndime. Waa Mu guma. Jesu Kristo ngu mbobuca nguwenya, sunu, amuya myaaka.

<sup>196</sup> Ngooyu mulindu ukkede nkoonya kusule awa. Ujisi penzi, kuvuuma mu mutwe wakwe, kulibilika, buyumuyumu bwakusilikwa. Muka. Prickettor, ula syoma a moyo wako oonse. Koimikila ku matende ako. Nse kuzi, pele Jesu Kristo wakupa kuyandisya kwako. Nsena mubwene mu buumi bwangu; walo mweenzu kuli ndime. Ciyo ima. Muta pengi. Lusyomo lwanu lwa muponya.

<sup>197</sup> Sena mula syoma? Sa tamu boni kuti ncencico Nca kasyomezya?

<sup>198</sup> Oyo mwaalumi uukkede kusule okuya. Okuya, sena toboni oyo Mumuni? Uli muciiimo cibyaabi loko. Wa kajisi cikoto mu kameneno kakwe. Wa kajisi kupandulwa; dokotela taka mupa bulangizi bunji kuli ncico. Sena ula syoma kuti Leza uyo kubamba kuba kabotu? Sena mula citambula, Ba. Stonede bado? Sena mula syoma a moyo wanu oonse? Ncibotu, koimikila ku matende ako, Jesu Kristo uyo kubamba kuba kabotu.

“Ikuti ulakonzya kusyoma!”

<sup>199</sup> Oyu mulindu ulede awa a cibwezelo eci. Mubwini, to jisi kkaadi lya mipailo, takukwe cintu cili boobo lino. Uli lebukide. Sena ula syoma obu kuba Bwini? Sena ula syoma eco nco mvwa sunumasiku kuti Mbwini? Ikuti na kolede awo, uyo fwa. Pele Jesu Kristo inga waponya kulebula. Sena ula syoma kuti Uyo cicita?

Ikuti na uyo cisyoma nkabela uyo cizumina, mpawo inga wazwa mu kalo ako a kuya ku muunzi, mu Zina Iya Jesu Kristo, a kuba kabotu.

<sup>200</sup> Ngooyo waa boola, kuzwa ncobeni kuli ncico. Muntuumwi umupa kunyamuna kuniini awo lino, uli lebukide. Muntuumwi... Ngooyo waa boola alikke, kuzwa mu cuuno, ponesegwa, mu Zina Iya Jesu Kristo.

<sup>201</sup> Sena mula syoma a moyo wanu oonse? [Mbunga ya botelwa—Mul.] Mpawo amwiime ku matende anu a...

<sup>202</sup> Mpaawo kwaboola mwanakazi uulebukide keenda kwiinda mu nkamu ya bantu!...?...

Koamba, Mwami wangu... (Konanika.)

Sena ula syoma a moyo wako oonse?

<sup>203</sup> Kuli muntu umbi, oyo waka lebuka, kuzwa mu kalo; kabuka kuzwa mu kalo, kalemya Leza!


Sena mula syoma?

<sup>204</sup> Uli kuli umwi umbi? Tulo toonse tutakwe cintu, zintuzyonse! Bantubonse bali ku matende abo, kabalumbaizya Leza!

Cindi ikkala Iya Mulilo ni Iyaka guma musinsimi!

<sup>205</sup> Ngooyo mwanakazi wakalebukide keenda kutanta cibumbili! Alumbwe Leza! Amu Mu pe bulemu a kulumbaizya!

<sup>206</sup> Ngooyu mwaalumi umbi kaboola aa cibumbili. Amu mulange keenda kaya butanta matantilo, Mukwesu Welela.

<sup>207</sup> Atu mupe kulumbaizya Leza. Amutambike maanza anu a kupa Leza bulemu. 



63-0803E Koongelezya  
Cikolo Cipati Caku Lane Tech  
Chicago, Illinois U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)